

San Marcos

João masare bautisariro buhe dũcaha

(Mt 3.1-12; Lc 3.1-9, 15-17; Jn 1.19-28)

1 Ahri tjuí Jesucristo Cohamacũ macũno to yoaare noaa buheare yahu dũcaja.

2 Cohamacũ yare yahu mũhtariro cjiro Isaia to joariro seheta ahri yahua jira. Õ sehe ni joaha tiro:

“Cohamacũ to macũnore õ sehe niha:

‘Mũ pano mũhũre yahuyũhtirore warocai nija.

3 ã jiro tiro masa marienopũ waharohca.

Tirore tũhoinare yahuro saũurucurohca:

“Mari pũhtoro to tahto pano mũsa ñaa

tũhotuare cohtota, cahno mũhtagã mũsa”,

ni saũurucurohca’, niha Cohamacũ”,

ni joaa tiha Isaia cjiro João cjihtore.

4 João masare bautisariro masa marienopũ masare buhea tiha:

—“Sã noaina jija”, ni mũsa tũhotumari cjiire duhu, mũsa ñaa buhirire cahya, Cohamacũ sehẽre cahmaga mũsa. ã jina bautisarina jiga. Mũsa ã yoachũ ñũno Cohamacũ mũsa ñaa buhirire borohca —ni buhea tiha tiro.

5 ã yoa jipihtina Judea yahpa macari macaina, Jerusalẽ macaina mehne tiro cahapũ ti sũchũ ñũno João sehe Jordão wama tiri mapũ bautisaha tinare. Tinare to bautisahto pano tina sehe ti ñaa yoarire yahu yũhdũha Cohamacũre.

6 Tiro João sehe camello pjoari suhtirore sãariro wahiquiro cahsaroreta tũã dihõro jija. Poreroare, macaroca macaina miquina mi cũhũre chũã tiha. **7** ã yoa õ sehe ni buhea tiha:

—Yũ baharo yũ yũhõro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiro jija yũhũ”, ni tũhotuja yũhũ. **8** Mũsare bautisacũ co mehne yoamahi. Tiro sehe yũ yũhõro yoarohca. Espĩritu Santore mũsa mehne jirucuchũ yoarohca —ni buhea tiha João.

João Jesure bautisaha*(Mt 3.13-17; Lc 3.21-22)*

9 ã yoa tí pjare Jesu Nazarepũ Galilea yahpai jiri macapu jiriro Jordão wama tiri mapũ sũha. Tópũ to sũchũ João bautisaha tirore. 10 To ã bautisa tuhsũchũ Jesu diapũ ducuriro sũrucũ sũro mũano to parĩ mũaa wahachũ ñũha tiro. To parĩ mũachũta Espĩritu Santo buja yoaro sehe Jesu bui duji pja sũha.

11 To ã duji pja sũchũ mũanopũ durucuro coa taha:

—Mũhũ yũ macũ yũ cahĩriro jira. Mũhũ mehne tuaro wahcheja —nino coa taha mũanopũ.

Satana ñaare yoa dutimaha Jesure*(Mt 4.1-11; Lc 4.1-13)*

12 Tĩ pjare Jesure masa marienopũ Espĩritu Santo naaha. 13 Tópũre sũro cuarenta dachori waro jiha. Watĩno sehe Jesu to ñaare yoachũ ñũ duaro, ñaare yoa dutimaha tirore. Tuhsũ, Jesu wahiquina nũcũ macaina mehne jiha. Tói to jichũ ñũ anjoa sehe tirore yoadohoa, chũare waha.

Jesu Galilea yahpai buhe dũcaha*(Mt 4.12-17; Lc 4.14-15)*

14 ã yoa Joãoire peresupũ ti biha dapori baharo Jesu sehe Galilea yahpapũ noaa buheare pũhtoro Cohamacũ to sũho jiare yahuro wahaha. 15 Õ sehe ni yahuha:

—Mĩpũre õ sehe jira. Pũhtoro Cohamacũ mũsare to noano sũho jihto mahanocã dũhsara. ã jina “Sã noaina jija”, mũsa ni tũhotumari cjirire duhuga. Mũsa ñaa buhirire cahya, Cohamacũ sehere cahmaga. Ahri noa buheare “Quihõnota jira”, ni tũhoga mũsa —ni buhea tiha Jesu tinare.

Jesu pititiarore wahi wajãinare “Yũhũ mehne macaina cjihiti taga”, niha*(Mt 4.18-22; Lc 5.1-11)*

16 Tĩre yahu tuhsũ, Galilea wama tiri bũcupariro dũhtũ cahapũ sito wahcãmahno ñũha Simore, to bahũro Andre mehne. Tina wahi wajãina jiha. ã jia ti wañũyucũrĩre bũcupariropũ doca ñoa niha. 17 ã yoa Jesu tinare õ sehe niha:

—Yũhũ mehne macaina cjihti taga mũsa. Yũhũ mehne mũsa tachũ mũsa wahire ñaha cahmachuina mũsa jiro seheta, Cohamacũ yaina cjihtire masare pji cahmachuina cjihtire mũsare wahachũ yoaihtja. Yũhũ mehne mũsa tachũ ã yoahtina cjihtire cũihtja mũsare —niha Jesu tinare.

18 To ã nichũ tũhoa ti wañyucũrĩre cũnoaa, tiro mehne wahaa wahaha.

19 ã yoa tina mahanocã yũhdũ wahcã, Santiagore, to bahũro João mehne boca sũha tjoa. Tina sehe Zebedeo pohna jiha. Ti yaria dohoriapũ wañyucũrĩre cahnoa niha. 20 ã yoa tiro to pjircachũ tina sehe ti pũcũrore, tiro mehne dahra cohtaina mehne dohoriapũ cũnoaa, Jesu mehne wahaa wahaha.

Watĩa ti cohtotariro Jesure piti bocaaha

(Lc 4.31-37)

21 ã yoa tina Capernau wama tiri macapũ sũha. Tópũ sũro Sabado jichũ judio masa sã buheri wũhũpũ buhero sãaha tiro. 22 Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechũ tí maca macaina tũho cũaa wahaha. 23 Tí pjare cũiro tí wũhũi jiriro watĩa ti cohtotariro jiha. Tóí jiro õ sehe niha Jesure:

24 —Mũhũ Jesu Nazare macariro cariboi tjiga sãre. ¿Dohse yoai tai nijari sãre? ¿Mũhũ sãre butichũ yoai tai nijari? Cohamacũ macũno buhiri tia marieriro mũ jichũ masija yũhũ —ni sañurucuha tiro Jesure.

25 To ã nichũ tũhoro Jesu tuhtiha watĩare:

—Dihta mariaha. Wijaahga tirore —niha Jesu.

26 ã jia watĩa tirore yahpãpã doca caha sũ tunuchũ yoa, to tuaro sañurucuro watoihita wijaaha tirore. 27 ã jia jipihtina tí wũhũi dujiina ñũ cũaa yũhdũaa wahaha.

—Cue, ¿wahma buhea jijari ahri? Tiro pũhtoro yoaro seheta dutira watĩare. To dutichũ tina watĩa sehe yũhdũrũcaerara tirore —ni durucuha tí wũhũi dujiina ti basi.

28 ã jia mahaa dachoricã baharoihta dóihita jipihtina Galilea yahpa macaina tíre to yoarire tũho sahsea wahaha.

Jesu Simo Pedro marechonore noaricoro wahachũ yoaha

(Mt 8.14-15; Lc 4.38-39)

29 ã yoa Jesu cũhũ judio masa mari buheri wũhũpũ jiina wijaaha. Ti ã wijaari baharo Jesu, Santiago, João, paina tina

mehne macaina cūhure Simo to bahuro Andre mehne ti ya wuhuru suho saa suha. **30** Ti pjare Simo marechono juaro mehne to dohatichu cama bui to coachu yahuha Jesure. **31** Ti a yahuchu turo tiro sehe ticoro caharu suro, to wamomacare naha, ticorore waja wahco dapoha. To a waja wahco dapochata ticorore juaro surua wahaha. To a sururi baharo ticorota tinare chure payoha.

Jesu payu dohatinare noaina wahachu yoaha

(Mt 8.16-17; Lc 4.40-41)

32 A yo sa sari baharo nahi borachuru masa payu dohatinare, wata ti cohtotarinare Jesu caharu na suha. **33** A jia jipitina ti maca macaina cahmachurucu suha ti wuhu sopacai. **34** A jiro Jesu payu dohatinare, payu soro jia dohatia cjainare noaina wahachu yoaha. Wata cuhure, masare samarinare payu cohã wioha. A jiro wata Jesure ti masichu nno Jesu sehe tinare durucu dutieraha.

Jesu buhe tinino wahaha

(Lc 4.42-44)

35 A yo nami curerocã wahcã, nahitia curechuta masa marienoru Cohamacure sinino wahaha Jesu. **36** To a wahari baharo Simo cuhu tirore macaa wahaha. **37** Tina tirore boca su, o sehe niha:

—Masa jipitina mure macaa nihre —niha tina.

38 Ti a nichu turo o sehe niha Jesu tinare:

—Tinare buhe tuhuhi. Pa seheru o cahacã macaa macaripu wahajihna mari. Ahri yahpa macainare yahu site pahnoi tahi. A jicu yuhu paye macari macaina cuhure buhehtja —niha Jesu.

39 A ni tuhsu, jipitia Galilei jia macaripu judio masa mari buhea wuhusepu buhero, watare masare samarinare cohã wioha.

Jesu cami bariore noariro wahachu yoaha

(Mt 8.1-4; Lc 5.12-16)

40 A yo paio dohatiro cami bariro Jesure piti bocaro, na tuhcu caha su o sehe ni siniha:

—Muhu yuhure noariro wahachu yo duacu yoaga —niha cami bariro.

41 To ã nichu tũhoro Jesu tirore pja ñũha. Ñ jiro to wamomacare siõroca, tirore ña payoha. Ñ ña payoro õ sehe niha:

—Tĩre yoa duaja. Noariro jige mũhu —ni yahuha Jesu.

42 To ã nichũta dohatiro to cami bari cjiri yati mũaa wahaha. Noariro wahaha tiro. 43 To ã wahachu ñũno Jesu tirore tuaro mehne õ sehe ni yahuha:

44 —Painare ahrire yahuecu tjiga. Ñ yahuerapaihta mũ pjacũre sacerdotere ñoga. Cohamacũ dutia Moise cjire to cũriro seheta yoaga. Ñ yoacu minichahcare waga sacerdotere noariro mũ waharire mũ ñohti cjihtire —niha Jesu. Ñ ni tuhsũ “Wahaga”, niha tirore.

45 To ã yahu dutierapachũta tiro waha, jipihtia macari macainare Jesu to yoirire yahuha. To ã yahuri baharo Jesu masa payũ ti jiropũre waha masieraha. Ñ jiro tiro mahainacã ti jiropũ jiha. Tõpũ to jichũ payũ macari macaina tiro cahapũ sũha.

Jesu pjacu bũharire ducuchũ yoaha

(Mt 9.1-8; Lc 5.17-26)

2 ¹ Mahaa dachori baharo Jesu Capernaupũ tjuaa wahaha. Wũhũ to jichũ masa tũho. ² Ñ jia tõi masa payũ cahmachu tí wũhũre wahpata wijaa surũcaha. Ñ jiro Jesu tinare noaa buheare yahuha. ³ To ã yahuro wato, pititiaro mũa jipihtiri pjacu bũharire na wihaha. ⁴ Ti masa payũ jichũ ñũa Jesu cahapũ sãa masieraha. Ñ jia tina wũhũ buipũ Jesu bui waroi mahanocã muji pahmare nawe, pjacu bũharire to coãri cahsaro mehne duhu boroha Jesu cahai. “Jesu ahrire to dohatiare yũhdũchũ yorohca”, ni tũhotuha tina. ⁵ Ti ã ni tũhotuchũ masino Jesu sehe dohatirore õ sehe ni yahuha:

—Macũ, mũ ñaa yoari buhiri tiare cohã tuhsũja —niha Jesu pjacu bũharire.

⁶ To ã nichũ tũhoa sã coyera judio masare buheina tõpũre dujiina ti basi õ sehe ni tũhotumaha: ⁷ “Ahriro ã ni durucuro tjijaro. Cohamacũre ñano durucuro nina tiro. Tiro masũno mari yoaro seheta jiro jira tiro cũhũ. Ñ jiro to ñaa yoari buhiri tiare cohã masierara. Cohamacũ dihta masa ti ñaa yoari buhiri tiare cohã masina”, ni tũhotumaha tina. ⁸ Ti ã ni tũhotuchũ ñũno Jesu ti tũhotuare masino õ sehe niha:



—¿Dohse yoana mûsa ã ni tũhotujari? ⁹ “Mũ ñaa yoari buhiri tiare cohã tuhsũja”, yũ nichũ “Mahñoriro jira”, yũhũre nina mûsa masierapanahta. “Wahcãrũca, wahaga”, yũ nichũ to tinichũ ñũna yũ niri potocã jia jichũ dõih̄ta masinahca mûsa. ¹⁰ Yũhũ masũno Cohamacũ warocariro ahri yahrapũre masa ti ñaa yoari buhiri tiare cohã masija yũhũ. Ahrire mûsa masihtõ sehe õ sehta to wahachũ yoaihtja —niha Jesu judio masare buheinare.

Tinare ã ninota pjacũ buharirõre õ sehe niha:

¹¹ —Mũhũre niita nija. Wahcãrũcaga. Mũ coãri cahsarõre na wahcãga mũ ya wũhũpũ —niha Jesu tireõre.

¹² To ã nichũta pjacũ buhariro cjiro wahcãrũcũ sũ to coãri cahsarõre na, jipihtina ti ñũrocaroi wijaa wahaha. To ã yoachũ ñũna tina jipihtina ñũ cũa wahaha. “Cohamacũ tuariro jira” ni, “Ne, mari õ sehe yoaare ñũera tih̄i”, niha tina ti basi.

Jesu Levíre Mateo ti ni pisuriroro “Yũhũ mehne macariro cjihto taga”, niha

(Mt 9.9-13; Lc 5.27-32)

13 ã yoa pari turi Jesu bũcũpariro dũhtũ caharũ wahaha tjoa. Tórpũ sũro masa payũ tiro cahai ti cahmachuchũ ñũno tiro buheha tinare. 14 ã yoa tuhsũ tórpũ jiriro wahamahno Levíre Alfeo macũnore to dahrari tahtiapũ boca sũha. Paina mehne pũhtoa ya cjihtire wapa na cohtaina jiha Leví cũhũ. Tirore boca sũro õ sehe niha:

—Yũhũ mehne macariro cjihto taga mũhũ —niha Jesu Levíre.

To ã nichũta Leví sehe wahcã sũrũca, Jesu mehne wahaa wahaha.

15 ã yoa baharo Jesu sehe to buheina mehne Leví ya wũhũrũ chũro niha. Jesu mehne wahaina sehe payũ jiha. Cãina pũhtoa ya cjihtire wapa na cohtaina, ã jichũ paina masa “Ñaa dihtare yoara”, ti niina mehne payũ mesa cahai duji, tina cũhũ tiro mehne cũnoi sũho chũa niha. 16 Tórpũ ti dujiri baharo paina sã coyera judio masare buheina, fariseo masa ya curua macaina mehne Jesu to chũ dujichũ ñũha tina. ã ñũa õ sehe ni sinituha:

—¿Dohsearo ñano yoaina, pũhtoa ya cjihtire wapa na cohtaina mehne chũjari Jesu? —ni sinituha judio masare buheina Jesu buheinare.

17 Ti ã nichũ tũhororo piti dahre buhea mehne õ sehe ni yũhtiha Jesu:

—Dohatieraina duhturure macaerara. Dohatiina dihta duhturure macana. Ñano yoaina dohatiina yoaro sehe jira. ã jicũ ñano yoainare yahui tai nihi yũhũ. Ti basi “Noaina jija sã”, ni tũhotuinare yahui tai nierahi yũhũ —niha tiro tinare.

Chũ duhuare Jesure sinituha paina

(Mt 9.14-17; Lc 5.33-39)

18 Tí pjare João buheina, fariseo curua macaina cũhũ Cohamacũre ño payoa taa, chũera tiha. ã jia masa Jesure õ sehe ni sinituha:

—João buheina, fariseo buheina cũhũ Cohamacũre ño payoa taa chũerara. ¿Dohse yoa mũ buheina sehe chũ duhuerajari? —niha tina Jesure.

19 Jesu to tũhotua mehne quitu dahre buhero tinare õ sehe ni yũhtiha:

—Õ sehe jira tí: Wamomaca dũhteriro bõse nũmũi to jichũ tiro mehne macaina cahyaro mehne jierara. Tuhsũ, chũeraina jierara. Tó seheta yũ buheina cũhũ yũhũ mehne jia, chũ duhu masierara. 20 Yũ Pũcsũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —niha Jesu.

21 Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mũnũno suhtirore sere õno cahmaerara. Mari ã yoachũ wahma cahsaro mari cosari baharo mũnũno suhtirore waja cahmachu, pjibiaro tũhnũchũ yoara. 22 ã yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tũhrẽnocahna. To tũhnũchũ se co cũhũ, wajuru cũhũ cohõa wahara. ã yoa se co wahma core wahma wajurupũ posaro cahmana. Mari ã yoachũ se co cohõera, wajuru cũhũ cohõerara. (Tó seheta wahma buhea mũna buhea mehne buhe moreraro cahmana) —ni buheha Jesu tinare.

Sabado jichũ Jesu buheina trigo parorire pahaha

(Mt 12.1-8; Lc 6.1-5)

23 Pa dacho Sabado jichũ Jesu cũhũ trigo wesepũ wahaha. To buheina sehe trigo parorire paha yũhdũ wahcãha. 24 Tĩ ã yoachũ ñũa õ sehe ni tuhtiha fariseo curua macaina Jesure:

—Tũhosiniga sãre. ¿Dohse yoa tina Sabado mari sori nũmũ to jipachũta dahrajari? Marine dutiare yũhdũrũcaa nina —niha tina Jesure.

25-26 Tĩ ã nichũ tũhoro Jesu tinare yũhtiha. “Yũ buheina yũhdũrũcaa nierara”, nino taro õ sehe niha:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. ã chũro tiro mehne macaina cũhũre tí pãore waha. Tĩ pãore sacerdotea dihtare chũ dutira. Cohamacũ dutia ti joari tjui painare tí pãore chũ dutierara. Tĩ pjare Abiata wama tiriro sacerdotea pũhtoro jiha. ¿Davi cũhũ tíre ti yoari cjirire Cohamacũ yare ti joari tjui buherari mũsa? (Tĩ pãore chũro Cohamacũre

yuhdũrũcaro nieraha. Michare ahri yaparire chũa yũ buheina cũhũ Cohamacũre yuhdũrũcaa nierara) —niha Jesu tinare.

27 ã ni tuhsũ õ sehe ni namoha:

—ã yoa Cohamacũ Sabado dachore ti sori nũmũ cũno masa ya dacho cjihto cũno nire dahra wahyarinare so dutiro. Tĩ dachore ño payohtina cjihtire cũno nierare masare Cohamacũ.

28 ã jicũ yũhũ masũno Cohamacũ warocariro ahri dacho Sabado dachore masa ti yoah tire yahurirota jicũ pũhtorota jija —niha Jesu tinare.

Wamomaca bũhariro quti jira

(Mt 12.9-14; Lc 6.6-11)

3 1 ã yoa Jesu sã judio masa buheri wũhũpũ sũro sãaha tjoa. Tĩ wũhũi cũiro wamomaca bũhariro dujiha.

2 Sabado jichũ Jesu wamomaca bũharirore to noariro yoachũ ñũ duaha cãina tí wũhũi dujiina. To ã yoachũ ñũa tirore yahusã duamaha. “Mari sori nũmũi Jesu dahraro nina”, ni yahusã duamaha tina. ã jia Jesu to sãa tachũ ñũa, tirore yahusã duaina sehe tiro dihtare ñũroca õha. 3 Tirore ti ã ñũroca õpachũta Jesu sehe wamomaca bũharirore õ sehe niha:

—Wahcã sũrũcaga jipihtina ti ñũrocaroi —niha.

4 ã ni tuhsũ tí wũhũi dujiinare õ sehe ni yahuha:

—¿Sabado jichũ noaare yoachũ noaerajari? ¿O ñaare yoachũ sehere noajari, mũsa tũhotuchũ? Sabado jichũ masũnore masochũ noa nina. Masũnore wajãchũ sehere noaerara —ni yahuha Jesu tinare.

To ã nipachũta tina yũhtieraha. 5 Ti ã yũhtierachũ ñũno Jesu tina mehne suaha. Ti tũho duaerachũ ñũno Jesu cahyaha.

—Mũ wamomacare siõrocaga —niha tiro wamomaca bũharirore.

To ã nichũ tũhoro tiro to wamomacare siõrocaha. To ã yoachũta noari wamomaca wahaha. 6 To ã noari wamomaca wahachũ ñũa, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

Masa payũ bũcũpariro dũhtũ cahapũ jiha

7-8 ã yoa pari turi Jesu to buheina mehne bũcũpariro cahapũ wahaha tjoa. Ti ã wahachũ ñũa Galilea macaina masa payũ to baharo sũha. ã jia Judea yahpa macaina, Jerusalẽ

macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payu jipihitina to yoarire tuhoa, tiro cahapu suha. **9-10** Tóru sua, payu masa jiha. Payu dohatiinare noaina to yoachu tuhoa, paina dohatiina cūhu Jesure piha dua, tju bihsarucu suha. Ti ã tju bihsarucu suchu ñno, Jesu busocare cahnopohobasa dutiha to buheinare. **11** Æ yoa paina watia ti cohtotarina sehe Jesure ñna tiro cahai na tuhcu caha suha.

—Mūhu Cohamacu macno jira —ni sañurucuha tina tire.

12 Ti ã sañurucuhu tuho tina Cohamacu macno to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt 10.1-4; Lc 6.12-16)

13 Æ yoa Jesu tūcupu mūja, to cahmainare pjirocaha. To pjirocachu tuhoa, tiro cahapu mūja suha tina. **14** Ti mūja sūri baharo doce mūare tiro mehne macaina cjihtire, paye macaripure to yare buhe duti to warocahtinare, bese dapoha Jesu. **15** Æ yoa dohatiinare ti yūdohti cjihtire, watiare ti cohā wiohti cjihti cūhure cūha tina. **16-19** Ahrinare doce mūare Jesu bese dapoha: Simo, Santiago Zebedeo macno, João to bahuro, Andre, Felipe, Bartolomé, Mateo, Toma, Santiago Alfeo macno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wūpo yoa sehe jiina tuaro bisiina jira”, nino nina. Juda Iscariote Jesure ñ tuhtiinare ñohtiro jiha. Tinare bese dapo tuhsu, dujiaa, Jesu to buheina mehne wūhuru sãa wahaha.

“Jesu watino tuaare cjuara”, ni yahusāha masa

(Mt 12.22-32; Lc 11.14-23; 12.10)

20 Æ yoa tói pari turi masa payu cahmachua bihsa niha. Ti ã bihsachu ñno Jesu chu masieraha. Tuhsu, to buheina cūhu chu masieraha. **21** Æ jia paina Jesu coyeyá ture tuhoa, tiro cahapu sua, tire ñahamaha.

—Tiro tuho masierariro waharo nina —nimaha tina.

22 Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa puhtoro to tuaa mehne tinare cohãna —niha Jerusalẽpu tarina sã judio masare buheina.

23 Ti ã nichũ tũhoro Jesu sehe tinare pjiroca, to tũhotua quitu mehne piti dahre yahuha tinare:

24 —Watĩno ya tuaa mehne watĩare cohãi nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. 25 Cũ wũhũ macaina ti basi cahmachea tí wũhũ macaina waha pihtia wahaboa.

26 Tuhsũ, Satana watĩa puhtoro sehe watĩare cohãno ti basita cahmachea niboa. ã jia tina waha pihtia wahaboa.

27 'Õ seheta jira mari piti dahre buhechũ. Tuariro ya wũhũpu paio sãa sũ yaca masierara. Tuarirore dũhteraro to ya wũhũpu sãa sũ yaca masierara. Tuarirore to dũhteri baharo sãa sũ yaca masina —ni yahuha Jesu. (Õ sehe ni yahuha watĩnore to yũhdũrucarire yahuro. Watĩno tuariro to jipachũta Jesu tirore yũhdũrucara watĩare cohãno.)

28 Æ ni tuhsũ õ sehe ni yahu namoha Jesu:

—Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. 29 Æ boparota Espĩritu Santore ti ñano durucuchũ tí pinine ne bosì. Ti ã niri buhiri ã buhiri tirucuina jiahca —niha Jesu tinare.

30 Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Ti ã nichũ tũhoro tí quitire Espĩritu Santo quitire yahuha Jesu tinare.

Jesu coyea tirore pjiha

(Mt 12.46-50; Lc 8.19-21)

31 Æ yoa Jesu bahana to pocoro mehne wihiha. Æ wihiha sopacaru jia, painare pji dutiha tirore. 32 Æ jia masa tiro caharu dujiina yahuha tirore:

—Mũ poco, mũ bahana mehne sopacaru pjiha nina mũhũre —niha tina.

33 Ti ã nichũ tũhoro õ sehe niha Jesu tinare buhero taro:

—¿Noa jijari yũ poco, yũ bahana cũhũ, mũsa ñũchũ?
—niha tiro tinare buhero taro.

34 Æ nino to cahai dujiinare ñũno õ sehe niha:

—Ahrina jira yu poco yu bahana yoaro sehe jiina. Cohamacu cahmaare yoara ahrina. ³⁵ Tó seheta yoaina yu bahu, yu baho, yu poco yoaro seheta jira —ni buheha Jesu tinare.

Jesu wesere toari masuno quitire buheha

(Mt 13.1-9; Lc 8.4-8)

4 ¹ Ñ yoa pari turi bucupariro dũhtũ cahapũ Jesu masare buhe dũcaha tjoa. Ñ tũpũre buhe dũcaro masa payũ tiro cahapũ ti cahmachuchũ ñũno Jesu sehe dohoriapũ samu wijaa, pahsaha. Ñ jia masa sehe bucupariro dũhtũ cahai ducuha.

² Ñ jiro Jesu payũ to tũhotua mehne quiti dahre yahuha tinare buhero taro:

³ —Ahri quitire tũhoga mũsa —niha tiro tinare.

—Toari masuno toaro, to toaa yaparire doca site cũno wahara. ⁴ To ñ doca site cũ wahcũchũ paye yapari mahai bora caha sũha. Ñ bora caha sũare tí yaparire minichahca duji ta, chũnocaha. ⁵ Ñ yoa paye yapari sehe tãa wapa bui dihta se mininocã bui bora caha sũha. Tãa wapa buicã dihta mariea curoi bora caha sũ, dói dumaha. ⁶ Ñ dói duri jipahta, nũhcori mariaa, sũ to tuaro sichũ, ñaia wahaha. ⁷ Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. Ñ jia tja watoi jiare dicha mariachũ yoaha. ⁸ Paye yapari sehe noari yahpai bora caha sũha. Noano du, noano dicha tiha. Paye yucũ treinta yapari, paye yucũ sesenta yapari, paye yucũ cien yapari dicha tiha. ⁹ Ahrire tũho duaina noano tũhoga mũsa —niha Jesu.

Jesu quiti mehne to buherire yahuha

(Mt 13.10-17; Lc 8.9-10)

¹⁰ Ñ yoa ti sahsero jia doce to buheina, paina Jesu mehne jiina cũhũ tí quitire masi duaa, Jesure sinitu ñũha. ¹¹ Ti ñ sinitu ñũri baharo Jesu õ sehe ni yahuha:

—Cohamacu masa bui pũhtoro masare to noano sũho jiare, panopũ paina ti masierari cjirire mũsare masichũ yoara Cohamacu. Paina sehere ñ yoerara tiro. Ñ jicũ tinare quiti mehne dihta buheihtja. ¹² Ñ jia tina ñũpahta ñũeraina cjiri yoaro sehe tjuara. Ñ jia tũhopahta tũho ñaha masisi. Tina tũho ñahaina jia, ti ñaa yoarire cahya, Cohamacũre macaboa. Ti ñ macachũ ñũno, tiro sehe ti ñaa yoari buhirire bonocaboa. Ñ jipachũta tina sehe ne tũho duaerara —niha Jesu.

Jesu wesere toari masuno quitire yahu pahñoa

(Mt 13.18-23; Lc 8.11-15)

13 To ã niri baharo õ sehe ni yahu namoha tinare:

—¿Ahri quitire tũhoerasinijari m̃sa? ¿M̃sa ahri quitire tũhoerana, dohse paye quitire tũhonahcari m̃sa? —niha Jesu tinare.

Ã ni tuhsũ tiro õ sehe ni yahuha tinare:

14 —Toari masuno toaro, to doca site cũa yapari noaa buhea yoaro sehe jira. 15 ã yoa mahai boraa yapari noaa buhea yoaro sehe jira. Cãina noaa buheare ti tũhochũ ñũno Satana sehe ta, tí buhea noaa buheare ti tũho ñahamarire bochũ yoara tinare, minichahca tí yaparire ti chũro seheta yoaro. 16 ã yoa tãa wapa bui dihta se mininocã bui boraa yapari noaa buhea yoaro sehe jira. ã jia paina noaa buheare tũho, wahchea mehne dóih̃ta tíre tũho nũnũ wahcãna. 17 ã tũho nũnũ wahcãpahta tãa wapa buicã jia yucũ nũhcori mariea yucũ yoaro sehe ahrina masa cũhũ yoari pja cũno pjaerara. ã cũno pjaeraa, yũ yare ti cahmari buhiri paina tinare ti ñano yoachũ, ñano yũhdũa, yũ yare duhunocahna. Paina tinare ti ñano yoachũ tíre cũno pjaeraa, yũ yare duhunocahna. 18 ã yoa tja watoi boraa yapari noaa buhea yoaro sehe jira. 19 ã jia paina sehe noaa buheare tũhoa, ahri yahpa macaare wacũ nũnũ yũhdũara. Niñerure bũjũa cahma, paye baro cũhũre payũ cahma, tíre goa pja yũhdũara tina. Ti ã tũhtotuchũ tí sehe noaa buheare dũcatara. Ti ã dũcatachũ masa noaa sehere yoaerara. Dicha maria yucũ yoaro seheta jira. 20 ã yoa noari yahpai boraa yapari noaa buhea yoaro sehe jira. ã jia paina sehe noaa buheare tũhoa tíre cahmana. Tíre masiina jia, Cohamacũ to cahmano seheta noaare yoara tina. Cãina mahanocã noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

Jesu sihãria quitire buheha

(Lc 8.16-18)

21 ã ni tuhsũ õ sehe ni yahu namoha Jesu:

—Ne, sihãriare ti sihãri baharo tiare dihi biato docapũ cũerara. ã jia tiare coãri casario docapũ cũerara. Mũanopũ duhu payora noano buhria dutia. 22 Jipihti ti masierari cjirire

baharo masa masiahca. Sihãria to buhriachũ mari ñũ masino seheta panopũre ti masierari cjrيره masiahca masa. ²³ Ahrire noano tuhoga mũsa. ²⁴ Mahanocã masi duana mahanocã masinahca. Pjĩro masi duana pjĩro masinahca. ã jina mũsa tuhona noano tũho nũnũga. ²⁵ Noano tũho nũnũriro noano masinohca. Tũho nũnũrerariro “Mahanocã tũhoja”, to nipachũta tí sehe butia waharohca —niha Jesu tinare.

Jesu trigore toariro quitire buheha

²⁶ ã ni tuhsũ õ sehe ni yahu namoha:

—Cohamacũ masa bui pũhtoro to sũho jia trigore toariro yoaro sehe jira. ²⁷ Toa tuhsũ bohrearo to toari duare ñũna tiro. “¿Dohse du wijaa ta bũcũajari tí?” ni ñũ masierara toariro to basi. ²⁸ Tí toari ti basi dichã tira. Pari pũca ji mũhtana. Baharo pari paro wijaa bũcũara. ²⁹ Tí parori bũcũa tuhsũchũ ñũno pahara. Pahari pja jira. (To toaa ti bũcũarire to masieraro seheta Cohamacũ yaina masa ti wahachũ cũhũre yahu pahũo masierara masa) —ni buheha Jesu.

Mostaza yapa quitire yahuha Jesu

(Mt 13.31-32; Lc 13.18-19)

³⁰ ã ni tuhsũ õ sehe ni buhe namoha Jesu piti dahre buhero:

—¿Ne Cohamacũ masa bui pũhtoro to sũho jia yaba baro yoaro sehe jijari, mũsa tũhotuchũ? ¿Di quiti mehne tíre yahunahcari? ³¹ Mostaza yapacã yoaro sehe jira pũhtoro Cohamacũ to sũho jia. Tí yapacã to toachũ mahabiari yapacã jira. ³² ã jiparota tí yapacã noano dura. ã jiro pjibiadũ wahara. ã jia tũ dũpũri bũjua dũpũri bũcũachũ ñũna minichahca peri tũ dũpũripũ suhti suhara. (Pjibiadũ to wahariro seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

Quiti mehne to buherire yahuha Jesu

(Mt 13.34-35)

³³ ã ni tuhsũ, tí quiti ti niriro seheta payũ quitire tũho ti cũno pjaro puro noaa buheare buheha tinare. ³⁴ Quiti marieno yahueraha tinare. Tuhsũ, ti sahsero jiinare Jesu noano yahu pahũoha to buheinare.

Jesu wihnonore yusu dutiha

(Mt 8.23-27; Lc 8.22-25)

35 Ñ yoa tí dachoreta nahi borachurp̄ Jesu to buheinare ò sehe niha:

—Basa, sie coarp̄ pahãjihna —niha tinare.

36 To ã nichu tuhoa Jesu to jiriarp̄ dohoriarp̄ samu, masare yahpap̄ ducuinare tóihta cū, to buheina dihta Jesure na pahãa wahaha. Ñ yoa paye buso mehne paina cūhu tinare piti ti pahãa wahaha. 37 Ti ã pahãchū wihnono tuaro taha. Ñ taro dohoriare pahcōri tuaro cjã sãaha. Mahanocã dñhsamaha ti miniboro. 38 To ã waharo watoi Jesu sehe dohoria oturop̄ suhti puti mehne to dapu ño tu tjiãhno carĩno niha. Ñ jia tina tirore wahcōha.

—Buheriro, mari mini yariana tana nija. ¿Ñ jica niera putiajari mūhu? —niha tina tirore.

39 Ti ã nichuta Jesu sehe wahcã, wihnonore:

—Tó purota wã duhuga —niha. Ñ ninota pahcōri cūhure:

—Yusua wahaga —niha bucupariroro.

To ã nichuta wihnono yūhdūa wahaha. Ñ jia pahcōri cūhu yusu boraahaha.

40 —¿Dohse ni cuimacanocana nijari mūsa? ¿Mūsa yūhure wacū tuaerasinijari? —niha Jesu.

41 To ã yoachū ñua tina cūa yūhdūa wahaha.

—Cue, ¿dohse jiriro baro masūno jijari ahriro? Ahri wihnono, pahcōri cūhu to dutichū yūhdūcaerara tirore —niha tina ti basi.

Watia ti cohtotarirore noariro wahachū yoaha Jesu

(Mt 8.28-34; Lc 8.26-39)

5 1-2 Ñ yoa tina sie coarp̄ Gerasa macaina ya yahpap̄ pahã sūha. Pahã sū, Jesu sehe dohoriarp̄ sãariro maja surūcaha. To ã maja surūcari baharocãta, watia ti cohtotariro tãa copari, masa copari watoi jiriro wija ta, tiro caharp̄ taha. 3 Tiro watia ti cohtotariro masa copari watoi jiriro jia tiha. Tirore ne cūiro coma da pjiri da mehne ñaha dūhte cūno bihoeraha. 4 Payū tahari masa tirore dahpori wūpōa sorori mehne comaa dari mehne dūhte timaha. To wamomacari cūhure dūhte timaha. Wiho mejeta tiro sehe comaa darire nuha, dahpori wūpōa sorori cūhure nuha site mūjaha. Ñ jia tiro tuariro to jichū ñua

masa sehe tirore cɟaa bihoeraa tiha. ⁵ Ñamine, dachore tã yucɟripɟ jia copari tãa copari watoi ã sañurucua tiha tiro. ã yoa tãa mehne to basi to pɟacɟre cɟãye mɟjaa tiha tiro. ⁶ ã yoa Jesu to maja sɟrɟcachɟ yoaropɟ Jesure ñuroca, tiro cahapɟ mɟroca ta, na tuhcuca caha sɟha, tirore ño payoro taro.

⁷⁻⁸ —Watia wijaahga tirore —niha Jesu.

To ã nichɟ tɟhoro watia ti cohtotariro ò sehe ni sañurucuha:
—Jesu, Cohamacɟ Jipihtina Bui Jiriro macɟno, ɟyabare yoai tai nijari mɟhɟ yɟhɟre? Cohamacɟ to ñurocaroi sinija yɟhɟ mɟhɟre. Yɟhɟre ñano yoai tjiga —ni sañurucuha watia ti cohtotariro Jesure.

⁹ —ɟYabariro wama tijari mɟhɟ? —niha Jesu tirore.

—Sã payɟ jija. ã jina “Payɟ watia”, wama tija. ¹⁰ Ahri dihtapɟ jiinare sãre pa yahpɟpɟ waha dutiecɟ tjiga —ni payɟ tahari siniha watia ti cohtotariro.

¹¹ Tí pɟare ti cahacãi tɟcɟ dahpotoi yesea nuina payɟ chɟa niha. ¹² Tói ti chɟrucuchɟ ñha ò sehe ni siniha watia:

—Sina yesea cahapɟ warocaga sãre ti pɟacɟripɟ sã sãahto sehe —ni siniha watia tirore.

¹³ Ti ã nichɟ tɟhoro “Jai. Wahaga”, niha Jesu. To ã dutichɟ, watia masɟnopɟ jirina cɟiri sehe wijaa, yesea pɟacɟripɟ sãaha. Tina yesea sehe payɟ waro jiha, dos mil. ã yoa tinare ti sãari baharo, yesea jipihtina bɟcɟpariro dɟhtɟ cahapɟ pari cɟnɟpɟ mɟroca buha, tí taropɟ bora ñoja, mini yaria pihtia wahaha.

¹⁴ Ti ã mini yariachɟ ñha yeseare ñh wihboina sehe mɟroca wahcã, pɟiri macapɟ cɟhɟre, daa macaricãpɟ cɟhɟre tíre yahu sitea wahaha. Ti ã yahuchɟ tɟhoa, masa sehe payɟ ti ã waharire ñha wahaha. ¹⁵ ã jia Jesu cahapɟ wihia, payɟ watia ti cohtotariro cɟiro to suhti tiriro, tɟho masiriro to dujichɟ ñha, cui niha. ¹⁶ Watia ti cohtotariro cɟirore, yesea cɟhɟre ti ã waharire ñhina sehe paina masa ti cahai wihiinare noano yahu pahñoa. ¹⁷ Ti ã yahu pahñoachɟ tɟhoa, Jesure tuaro mehne pa seherɟ waha dutiha.

¹⁸ ã yoa dohoriapɟ Jesu to samuchɟ ñhno, “Mɟhɟ mehne waha duaja” ni, tuaro sinimaha watia ti cohtotariro cɟiro sehe Jesure. ¹⁹ To ã nichɟta Jesu tirore ò sehe ni yahuha:

—Yɟhɟ mehne taecɟ tjiga. Mɟ ya wɟhɟpɟ mɟ coyea cahapɟ yɟhɟ mɟ pɟhtoro mɟhɟre yɟ yoarire yahui wahaga. Mɟhɟre yɟ pɟa ñhrire yahuga tinare —niha tirore.

20 To ã nichu watía ti sãanoriro cjiro sehe Decapoli wama tiropu jia macaripu Jesu tirore to yoari cjirore yahu dũcaha. To ã ni yahuchu tũhoa jipihtina masa cãaa wahaha.

**Jairo maconore yũhdũchu yoa, cahã ñuricoro
cũhũre yũhdũchu yoaha Jesu**

(Mt 9.18-26; Lc 8.40-56)

21 Ñ yoa pari turi Jesu to majare pahã sũchu masa payu tiro cahapu bũcupariro dũhtu cahapu cahmachuha. 22 Ti ã cahmachuchũ sã judio masa buheri wũhũre ñũ wihboriro Jairo wama tirore wihi, Jesure ñũ, to dahpori cahapu na tuhcuca caha sũro, 23 õ sehe niha:

—Yũ macocã yariaro nihre. Ñ jicu ticorore mũ wamomaca mehne ña payo, noaricoro yoai taga. Mũ ã yoachũ ticoro masanohca —niha tiro Jesure.

24 To ã nichu Jesu cũhu sehe tiro mehne wahaha. Mahai to wahachũ payu masa tirore nũnũ ti wahcã bihsaro sũrucũ sũha tirore. 25 To ã bihsaro wahachũ numino doce cũhmari waro dachoripe cahã ñũrucuricoro tói jiha. Tó pano payu duhturuu ticorore ñano yũhdũchu yoaha. 26 Ñ yoa duhturuare jipihtia to niñeru mehne wapamaha ticoro co tiro. Ti ã yoapachũta ticoro mũnanota jirucuha. Ñ jiro ticoro tó pano to jiriro yũdoro ñano wahaha. 27 To ã ñano yũdũricoro to jichũ masia Jesu to yoirire tũhoa paina tíre yahuha ticorore. Ñ ti yahuchũ tũhoru ticoro Jesu baharo masa payu watoi wihi, Jesu suhtirore ñaha ñũha. 28 “Yũhu to suhtiro dihtare ñaha ñũco noaricoro wahacohca”, ni tũhotuha. 29 Ñ jiro ticoro to ñaha ñũri baharo to cahã ñũare duhuro to pjacũre noari pjacũ tũhotuha. 30 Ñ jiro Jesu to tuua mehne dohatiare to cohãrire masino, masa watoi majare ñũha.

—¿Noa yũ suhtirore ñaha ñũri? —niha tiro.

31 To ã nichu tũhoa to buheina õ sehe niha:

—Bihsa nina. Ñ jia masa payu mũhũre pihanocahna. “¿Noa yũhũre ñaha ñũri?” nicũ, ¿dohseacũ ã nijari mũhu? —niha tina sehe tirore.

32 Ñ jiro Jesu tirore ñaha ñũricorore macaha. 33 To ã macano watoi ticoro sehe to pjacũ noano wahachũ tũhoturo cui, tetere na tuhcuca caha sũha to panoi tirore ño payoro. 34 Ñ jiro ticoro potu yahu pahũoha tirore. To ã ni yahuri baharo Jesu ticorore õ sehe ni yahuha:

—Maco, yũhũre mũ wacũ tuaa mehne noaricoro tjuara mĩpũre. Wahchea mehne wahaga. Dohatia marienicozo jiga —niha Jesu ticorore.

35 To ã ni durucuro watoi judio masare buheri wũhũre ñũ wihboriro ya wũhũ macaina yahua wihaha:

—Mũ maco yariaa wahahre. Ñ jicũ buherirore pji tai tjiga —niha tina.

36 Ti ã nipachũta ã tũhotunocahno, Jesu ñũ wihborirore õ sehe ni yahua:

—Cahya tũhotui tjiga. Yũhũre wacũ tuaga. Tĩ dihtare yoaga —niha ñũ wihborirore.

37 Ñ ni tuhsũ Santiago, to bahũro João, Pedro tina dihtare “Yũhũ mehne taga”, niha Jesu. 38 Ñ pji wahcãno sã judio masa buheri wũhũre ñũ wihboriro ya wũhũpũ sũha tina. Tĩ wũhũpũ masa payũ ñano bisi, ñahacaha tiia ti saũurucuchũ ñũha Jesu.

39 —Ñano ni, ñahacaha tiiena tjiga mũsa. Maharicorocã mũsa ã ni tiichũ yariaerara. Carĩno nina —niha Jesu tinare.

40 To ã nichũ tũhoa “Ñ nimacanocano nina ahriro”, ni bũjũha tina sehe tirore. Ti ã yoachũ tiro tinare sopacapũ wio pahũonocaha. Ñ wio tuhsũro maharicorocã pũcũsumare, tiro mehne macaina cũhũre ticorocã cahapũ naaha Jesu.

41 Ñ naa tuhsũro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “Maharicorocã wahcãga’, nija yũhũ”, nino nina.)

42 To ã nichũta ticorocã wahcãrũcũ sũ, tiniha. Doce cũhmari cjuaricoro jiha ticoro. Ticorore to ã yoachũ ñũa tina cũa yũhũa wahaha. 43 Ti ã yoachũ ñũno, Jesu tuaro mehne tíre to yoarire yahu site dutieraha. Ñ yoa tuhsũ ticorore chũa wa dutiha.

Nazare macaina Jesure cahmaeraha

(Mt 13.53-58; Lc 4.16-30)

6 1 Ñ yoa tũpũ jiro waha, Jesu to buheina mehne to ya dihtapũ tju sũha. 2 Ñ tju sũro Sabado jichũ sã judio masa buheri wũhũ buhe dũcaha Jesu. To ã buhechũ masa payũ tirore tũhoa, cũaa wahaha.

—Cue, ¿ahriro nohopũ tũhoari ahri buheare? ¿Dohsearo noano masi pahũonocajari ahriro? Cohamacũ tuaa mehne yoa ñona tiro to basi. 3 Ahriro taboa dahrari masũno María macũno,

Santiago, José, Juda, Simo ti wahmino jimanaro. Ñ yoa to bahana numia mari ya macai jisininanabũ. Ñ jiro tiro mari yoaro sehe jiroro t̃jira —niha tina Jesure t̃hoharina.

Ñ jia Jesure ñũ tuhtia, tirore cahmaeraha. ⁴ Ti ã cahmaerachũ ñũno õ sehe niha Jesu:

—Cohamacũ yare yahu mũhtarirore paina ño payora. Ti ã ño payopachũta to ya maca macaina, to coyeya, to ya wũhũi jiina ño payoerara tirore. Ñ jina yũhũre ño payoerara mũsa õi yũ bucuariro jichũ —niha Jesu tinare.

⁵ Ñ jiro tí macai jiro Jesu Cohamacũ tuaa mehne yoa ño masieraha. Ñ yoeraparota cãina dohatiina bui to wamomacare duhu payo, noaina wahachũ yoaha tiro. ⁶ Ñ jiro tó macaina Jesure ti quihõno tũhoerachũ ñũno cũaa wahaha tiro. Ñ jiro Jesu tó cahai jia macaripũ buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

⁷ Ñ yoa Jesu doce to buheinare p̃jiroca, p̃ũaro dihta warocaha tinare macaripũre buhe dutiro. Ñ jiro to tuaare waha tinare watĩare ti cohã wiohto sehe. ⁸ Ñ warocaro pãore, wajure, niñerure tiro naa dutieraha tinare. Ti t̃juayucũ dihtare naa dutiha. ⁹ Ñ ni tuhsũ, dahpori tũ cũa cahsarire sãa dutiha tinare. Cũnota suhtirore sãa dutiha tinare. P̃ũaro sãa dutieraha.

¹⁰ Ñ jiro õ sehe ni yahuha tinare:

—Jipihtia macaripũ mũsare ti carĩno wachũ tí wũhũihta t̃juasiniga. Coã wahanapũ wijaahga tí wũhũre. ¹¹ Ñ jina pa maca macaina mũsare ti cahmaerachũ, ti tũho duaerachũ tí macare yũhdũana dahpori macaa dihta pohcari mene wajã site cũga mũsa tinare ti ya buhirire masichũ yoana —ni yahuha Jesu tinare.

¹² Ñ jia tina doce buheina masare ti ñaa tũhotumari c̃jirire tũhotu cohtota duti, Cohamacũre maca duti, buhea wahaha.

¹³ Ñ wahaa payũ watĩare cohã wio, dohatiinare se mehne wisõa, noaina wahachũ yoaha.

João masare bautisarirore paina wajãha

(Mt 14.1-12; Lc 9.7-9)

¹⁴ Ñ yoa Jesure masa payũ masiha. Ñ jiro to yoarire pũhtoro Herode tũhorocaha. Ñ tũhorocarõ õ sehe ni tũhotumaha tiro paina mehne:

—João masare bautisariro yariariro cjiro pari turi bajoaro nica. Ñ bajoariro jiro to tuaa mehne tíre yoaro nica —ni durucumaha Herode paina mehne. (“Jesu Joãoota jira”, ni tũhotumaha.) ¹⁵ Paina sehe ò sehe ni tũhotumaha:

—Elia jira —ni tũhotumaha.

Paina sehe:

—Cohamacu yare yahu mũhtariro panopu macaina cjiri yoaro sehe jira tiro —ni tũhotumaha Jesure.

¹⁶ Ti ã ni tũhotupachuta Herode sehe Jesu to yoarire tũhoro ò sehe ni tũhotumaha:

—João dapure yu cja ta dutiriro cjiro bajoaro nica —ni tũhotumaha.

¹⁷⁻¹⁸ Joãore ti wajãhto pano Herode tirore ñaha duti, peresu yoa dutiha. Tó pano Herode to bahuro Felipe namonore Herodiare namo tiha.

—Mu bahu namonore namo ticu Cohamacu dutiare yũhdũrcucai nica mũhu —ni yahumaha João Herodere.

To ã niri buhiri to namono Herodia Joãore peresu ti yoachu cahmaha. ¹⁹ Ñ jiro ticoro sehe Joãore ñu tuhtiro, tirore wajã duti duamaha. Ñ yoa duaparota ticoro tirore wajã duti masieraha. ²⁰ Herode Joãore cuiro, “João noaare yoariro, ñaa buhiri marieriro jira”, ni tũhotuha. Ñ jiro Herodere cariboro yoaha João sehe tirore yahuro. Ñ to caribopachuta tiro wahchea mehne tũhomaha Joãore. ²¹ To ã wahchea mehne tũhopachuta Herodia tirore to wajã dutihtu dacho mũ sũha. Tí pjare Herode to masa bajoari dacho jichu tiro bose mũmũ dahreha. Ñ jia to gobierno macaina, to surara pũtoa, Galilea macaina pũtoa cũhu to ya bose mũmũre ñaa wihaha. ²² Ti ã wihiri baharo Herodia macono bose mũmũ ñũno wihiro ti ñũrocaroi basa ñoha. To ã basa ñochu ñaa Herode to pjirocaina mehne wahcheha. Ñ jiro ò sehe niha Herode ticorore:

—Mu cahmaare siniga yũhũre. Ñ jicu waihtja mũhũre mũ cahmaare. ²³ Cohamacu mehne potocã nii nija mũhũre. Mu sinino puro yu yare dacho macai waihtja mũhũre —niha tiro ticorore.

²⁴ To ã nichu tũhoro ticoro Herodia macono sehe to pocoro cahapu waha, ò sehe ni sinituha:

—¿Yabare sinicohcari yũhu? —ni sinituha ticoro to pocorore.

—João masare bautisariro dapure siniga —niha to pocoro.

25 To ã nichãta ticoro Herodia macono ño duaro mehne pũhtoro Herode cahapũ waha, siniha:

—João masare bautisariro dapure waparo mehne waga yũhũre —niha ticoro.

26 To ã nichũ tũhoro pũhtoro Herode sehe tuaro cahyaha. Masa ti ñũrocaroi “Waihtja mũhũre”, ni tuhsũha tiro. ã jiro bũo tiro “Mũhũre waeraja”, ni masieraha tiorore. 27 ã jiro dóihta surarare peresupũ jiinare cohtarirore João dapure cjã ta, na ta dutiha. 28 To ã dutichũ tũhoro surara sehe waha, to dapure cjã ta, waparo mehne na taha. Na ta tuhsũ, nuhminore Herodia maconore waha. To ã wachũ ticoro to dapure ñaha, to pocorore yũhdoha.

29 ã jia João buheina sehe tíre tũhoa tóprẽ waha, to pjacũ cjirore na wahcã, tãcapũ ti sahari copapũ na sãa duhu payoha.

Jesu cinco mil bui masare chũa waha

(Mt 14.13-21; Lc 9.10-17; Jn 6.1-14)

30 ã yoa Jesu to warocarina to cahapũ tju sũa, ti yoarire ti buherire yahuha tirore. 31 Tí pjare masa payũ ã majarerucua, tinare chũro waeraha. ã jiro õ sehe niha Jesu tinare:

—Masa marienopũ mari sahsero sosinina wahajihna —niha tinare.

32 ã jia tina ti sahsero dohoria mehne masa marienopũ wahaha. 33 Ti ã wahachũ ñũa masa payũ tinare masiha. ã masia payũ macari macaina mahapũ waha, Jesu to sũhtopũ tina masa sehe mũroca wahcã sũ mũhtaha. 34 Ti ã sũchũ Jesu wahã sũ, bũsocapũ sãariro majano, tiro masa payũ jiinare ñũha. Oveja pũa marieina yoaro sehe jiha tina masa, to ñũchũ. ã jiro Jesu tinare pja ñũno, payũ noaare buhea tiha tinare.

35 Ñamichahapũ doce buheina Jesu cahapũ sũ õ sehe niha:

—Õ masa marienopũ jira. Ñamichahapũ jira. 36 Õ cahacãi jia macaripũ daa macaricãpũ, bũjũa macaripũ ti chũhtire nuchũ dutiga masare ti puhi tihti cjihtire —niha tina Jesure.

37 —Chũare waga tinare —nimaha Jesu to buheinare.

To ã nichũ õ sehe ni yũhtiha:

—¿Dos cientos dachori dahrari wapa niñeru mehne ti chũhti pãore nuchũbocari sã? —niha tina Jesure.

38 —¿Nohope curiri pão curiri jijari? Ñũna wahaga —niha tiro.

To ã nichũ tina sehe chũare boca õ sehe niha:



—Cũ wamomaca pihtia curiri pão curiri, p̃aro wahi jira
—niha tina.

39 Ti ã nichũ t̃horo Jesu sehe pja curuari tja bui duji dutiha masare. 40 To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha. 41 Ti ã duji tuhsũchũ ñũno Jesu sehe cũ wamomaca pihtia curiri pão curirire, p̃aro wahi mehne na, мѡнорѣ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ã yoa tuhsũ, p̃aro wahire witi dutiha jipihtinare. 42 ã jia jipihtina chũ, yapi yũhdũa wahaha. 43 Ti yapi wahyorire doce p̃hũse waro pãore, wahi cũhũre na cahmachu wahpo dapoha tina. 44 ã yoa pãore chũina m̃a dihtare ti quihõchũ cinco mil m̃a jiha. (Numia cũhũ, macanacã cũhũ tói chũina jiha.)

Jesu co bui ducu wahcãha

(Mt 14.22-27; Jn 6.16-21)

45 Tí pjata Jesu to buheinare dohoriap̃ samu duti, sie coap̃ Betsaidap̃ to pano pahãyu dutiha. ã jiro ti pahãri baharo Jesu sehe masare coha sitiha. 46 Coha siti tuhsũ tũc̃ap̃ Cohamacũre

sinino wahaha. 47 Baharo ñamipɩ dohoriai buɕɩpariro dacho macai ti pahārucuchɩ Jesu cāirota ti pahā tariropɩ jiha. 48 Tópɩ jiro, tina ñano yɩhdɩ ti wajachɩ ti panoi wihnono tachɩ ñɩrocacha tiro. Ā jiro bohrea mɩja tahto pano tina cahapɩ waharo co bui ducu wahcāha. Tinare tiro yɩhdɩ wahcā duamaha. 49 To yɩhdɩ wahcā duapachɩta tirore co bui to tachɩ ñɩa, “Yariariro cjiro jiboca”, ni tɩhotumaha tina. Ā ni tɩhotua tina sañurucuha. 50 Jipihtina tirore ñɩa, ñɩ cɩa waha, sañurucuha. Ti Ā ñɩ cɩachɩ ñɩno Jesu tinare ō sehe ni yahuha: —Ne, yɩhɩre cuiena tjiɩa. Yɩhɩta jija —niha tinare. 51 Ā ni tuhsɩ tiro tina mehne dohoriapɩ samua wahaha. To samuri baharocāta wihnono yɩhdɩa wahaha. To ā wahachɩ tina sehe cɩa yɩhdɩa wahaha. 52 To pāo payɩ yoarire wacɩeraha tina. Tua yɩhdɩariro to jiare noano tɩho ñahaeraha.

Jesu Genesare macainare, dohatiinare noaina wahachɩ yoaha
(Mt 14.34-36)

53 Ā yoa tina pahā sɩ, Genesare dihtapɩ wahā sɩ, tia dohoriare dɩhte poho, dɩhtɩ cahapɩ pahsaha. 54 Ā yoa tina dohoriapɩ jiina ti majachɩta masa sehe Jesure ñɩ masiha. 55 Ā ñɩ masia jipihtiro ti ya yahpɩ mɩroca maja, dohatiinare ti coāa cahsari mehne yo wahcā, sɩha Jesu cahapɩ. “Jesu tópɩ jihre”, masa ti nichɩ tɩhoa to cahapɩ sɩha tina. 56 Ā jia jipihtia macari to sɩa macaripɩ, bujɩa macaripɩ, daa macaricāpɩ, pache duaina cahapɩ, masa dohatiinare ti cūnopɩ Jesure to suhtiro dɩhtɩ cahare ñaha ñɩ dua tuaro siniha tina:

—Mɩ suhtiro dɩhtɩ caha dihtare sāre ñaha ñɩ dutiga —ni siniha.

Ā jia to suhtirore ñaha ñɩinape tópeinata noaina wahaa tiha.

Masa ñaina wahachɩ yoare yahuha Jesu
(Mt 15.1-20)

7 1 Ā yoa Jerusalēpɩ tarina sã coyey judio masare buheina, fariseo curua macaina cūhɩ Jesu cahapɩ cahmachuha. 2-4 Fariseo curua macaina jipihtina paina judio masa cūhɩ ti ñɩchɩsɩma cjiripɩ ti yoa dutiriro seheta wamo cosaro marieno chɩera tiha. Ā jia pache duaina cahapɩ waha, sɩ, majare tju wihiina cūhɩ ti yoa dutiriro seheta wamo cosaro marieno chɩera tiha. Payɩ paye dutia cūhɩre ti ñɩchɩsɩma cjiripɩ ti

yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacu ã cahmana”, nia. Ñ jia sã coyee judio masare buheina, fariseo curua macaina cũhũ Jesu cahapũ cahmachua, Jesu buheina wamo cosaro marieno ti chũchũ ñũha. ⁵ Ñ ñũ tuhsua Jesure õ sehe ni sinituha:

—Mũ buheina chũa, mari ñũchũsuma cjiri ti yoa dutiriro cjiro seheta ti wamomacarine wamo cosaerara. ¿Dohse yoa mari dutiare yoaerajari? —niha tina Jesure.

⁶ Ti ã nichũ tũhoru Jesu õ sehe ni yahuha tinare:

—Masa ti baharo bũhũsehei ñano yoa cohtaina jira mũsa. Panopũre Cohamacu yare yahu mũhtariro cjiro Isaia potocãta yahuro niri jira mũsa yoaro sehe tũhoerainare. Õ sehe ni yahu, joaa tiha tiro:

“Ahrina masa yũhũre noano durucupahta ti tũhotuapũ yũhũre ne ño payoerara.

⁷ Ñ jia yũhũre ti ño payoa yaba cjihti jierara.

‘Cohamacu ya dutia jira ahri’, ni mahũo buhera ti ya buhea sehere”,

ni joaha Isaia cjiro. ⁸ Tĩ potocã tjira. Cohamacu ya dutia sehere duhu, masa ti yoa dutia sehere cohtota yoa yũhdũrucũ sua tira mũsa. ⁹ Cohamacu ya dutiare cohãna, mũsa coyee ya dutia sehere yoara mũsa. ¹⁰ Õ sehe yoana Cohamacu ya sehere yũhdũrucana nina mũsa: Panopũre õ sehe niha Cohamacu Moise cjiro to joariro seheta: “Mũsa pũcũsumare ño payoga. Cũiro to pũcũsumare ñano quti dahreriro jiro tí buhiri ti wajãhtiro cjihto jirohca”, niha Cohamacu Moise cjirore to cũri dutiai. ¹¹ To ã nipachũta õ sehe yoa dutira mũsa ti pũcũsumare yoadoho dutierana: Ti pũcũsumare ti waborire Cohamacu sehere wa dutira mũsa. Ñ ni buhemana mũsa. ¹² Ñ buhena ti pũcũsumare ño payochũ yoaerara mũsa tinare. ¹³ Ñ yoana Cohamacu dutiare yũhdũrucana nina mũsa mari ñũchũsuma cjiri ya dutia sehere yoana. Painare mũsa buhea dihtare tũho dutira mũsa. Payũ tó sehe jiare yoara mũsa —niha Jesu tinare.

¹⁴ Ñ ni tuhsũro paina cũhũre pjirocaha tiro. Õ sehe niha tinare:

—Mũsa jipihtina yũhũre tũhona taga. Tuhsũ yũ niare noano tũho ñahaga mũsa. ¹⁵ Mũsa dũserire sãa sehe mũsa chũa sehe mũsare buhiri tichũ yoaerara. Ñaare mũsa tũhotua sehe

músare ñaina jichu yoara. 16 [Yuhure noano tuhoga musa] —niha Jesu.

17 Tinare ã ni yahu tuhsu Jesu masa cahapu jiro cjiro waha, wuhuru sã wahaha. Ñ to sã suchu ñua to buheina sehe to buherire sinitu ñua. Ti ã sinitu ñuchu tuhoro õ sehe niha tiro:

18 —¿Musa cūhu ne tūho ñahaerasinijari tíre? Musa duserire sã sehe musa chua sehe músare ñaina jichu yoaerara, Cohamacu to ñuchu. 19 Tí musa tuhoutuapure sãerara. Musa pjaropu sã su, yuhdu wijaa wahara —niha Jesu.

Ñ nino “Jipihtia chua noaa jira”, nino niha. 20 Ñ yoa õ sehe ni namoha tjao:

—Musa ñaa durucua sehe musa duseri wijaa sehe músare ñaina jichu yoara, Cohamacu to ñuchu. 21-22 Ñano tuhouta, numia mehne ñano yoarucua, yaca, masare wajãa, namo tiriropu jiparota pacorore manu tiricorore wana tia, paio yare tuaro cjoa, ñano yoaa, mahñoa, buo tiro marieno ñaa yoaa, paina ti cjuare ñu yabia, ñano quiti dahrea, “Painare yuhducaja”, ni tuhouta, tūho masieraina jia, tí jipihtia músare musa tuhoutuapu tara. 23 Jipihtia ahri ñaa musa tuhoutuapu taa, músare ñaina jichu yoara, Cohamacu to ñuchu —niha Jesu.

Judio masono jieraricoro Jesure wacū tuaha

(Mt 15.21-28)

24 Ñ ni tuhsuro Tiro wama tiri maca cahapu, Sidō wama tiri maca cahapu suro tó macari wuhuru sã wahaha. Ñ sãhno painare to jiri wuhure yahu dutieraha. Ñ yahu dutieraparota tinare tiro duhti masieraha. 25 Tí pjareta numino to macono watino to cohtotaricoro to cahai jia. Ñ jia Jesu yoirere ñua paina to pocorore yahuha. Ti ã yahuri baharo to pocoro sehe waha, Jesu dahpori cahapu na tuhcuca caha suha tirore ño payoro. 26 Ticoro Sirofenicia wama tiri yahpa macaricoro jia.

—Watínore cohã wiosiniga yu macore —ni siniha ticoro Jesure.

27 To ã sinichu tuhoro õ sehe niha Jesu:

—Wahmanore wuhu puru pohna ya chware dieyacãre yu wa mūhtachu tó wahaerara. Israe masa yare pa yahpa macainare yu wa mūhtachu tó wahaerara —niha Jesu ticorore piti dahre yahuro.

28 —Ã tjira pũtoro. Ã jipachũta dieyacã cũhũ mesa docai ti pohna ti chũ site boroare chũ cohtara tinacã cũhũ. (Pa yahpa macaricoro yũ jipachũta yũhũ cũhũre yoadoho masina mũhũ) —ni yũhtiha ticoro.

29 —Mũ ã ni yũhtichũ mũ macore watĩno wijaa tuhsũhre. Ñũco wahaga —niha Jesu ticorore.

30 To ã nichũ tũhoro majare tjuaa, to wũhũpũ tju sũro, to maconore watĩno marienicorore camapũ jiricorore ñũha.

Cahmono tũhoerarirore, durucu masierarirore noariro wahachũ yoaha Jesu

31 Tĩ pjare Jesu Tiro wama tiri maca cahapũ jiriro waha, Sidõ wama tiri macare sũ yũhdũ wahcã, Decapoli wama tiropũ jia macarine sũ yũhdũ wahcã, Galilea wama tiri bũcũpariropũ sũha jũna. 32 ã jia cahmono tũhoerarirore, noano durucu masierarirore Jesu cahapũ na wihaha paina.

—Mũ wamomaca mehne ña payoga tiore —ni siniha tina tiore.

33 Ti ã nichũta Jesu sehe tũhoerarirore na wahcã, masa marienopũ sũho sũha. Ti sahsero jiha. Tuhsũ, Jesu to wamo picari mehne tũhoerariro cahmo coparire be sõha. ã yoa tuhsũ, chahcho puti, to ñahmanore ña payoha.

34 ã yoa tuhsũ mũanopũ ñũ mũo, yajeri na, õ sehe niha:
—Efata —niha Jesu. (“Efata” nino, “Pjõohga”, nino nina. ã nino tiore tũho dutiro niha. ã nino noano durucu dutiro niha.)

35 To ã nichũta tiro sehe tũho boca, to ñahmano bidaro wahachũ tũhoturo noano durucuha. 36 ã jiro Jesu tinare tíre painare yahu site dutieraha. To ã yahu site dutierachũ tũhopahta tina sehe painare yahu site namoha. 37 ã jia masa tũho cũa yũhdũa waha, õ sehe niha:

—Jipihtiare tiro noano yoara. Tũhoerainare noano tũhochũ yoara. Durucu masieraina cũhũre noano durucuchũ yoara Jesu —niha masa.

Cuatro mil bui masare chũare waha Jesu (Mt 15.32-39)

8 1 Tĩ pjare pari turi masa payũ ti cahmachuri baharo chũa maeraina ti jichũ ñũno Jesu to buheinare pjirocaha:

2 —Ahrina masa tia dacho waro yũhũ mehne ji tuhsũra. ã yoa tinare puhĩ mariahna. Ti puhĩ maerachũ ñũcũ tinare

pja ñaja yuhũ. ³ Paina tina mehne macaina yoaropũ tahre. “Tinapũ jũca baaina mahai borari”, nicũ tinare chũa marieno ti wuhũsepũ waha duti duaeraja. Æ jicũ tinare puhi wa duaja —niha Jesu to buheinare.

⁴ —¿Dohse yoa mari õre masa marienopũre pãore boca wabocari mari? —niha to buheina sehe Jesure.

⁵ —¿Nohope curiri pão curirire cjuajari mũsa? —ni sinituha Jesu.

—Siete curiri jira —niha tina.

⁶ Ti ã ni yũtichũ tũhoro, tiro masare yahpai duji duti, siete curirire pão curirire na, Cohamacũre “Noana”, niha. Æ ni tuhsũ, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha. ⁷ Æ jia wahi cũhũre mahainacã cjuaha tina. Æ jiro tinare Cohamacũre “Noana” ni, wahi cũhũre witi dutiha. ⁸ Ti witi tuhsũchũ tina chũa, yapi yũhdũa wahaha. Ti yapi wahyorire siete pũhũse waro wahpo dapoha tina. Tina cuatro mil bui masa jiha. ⁹⁻¹⁰ Æ yoa tuhsũ Jesu masare coha sitiha. Coha siti tuhsũ to buheina mehne dohoriapũ samuha. Samu tuhsũ Dalmanuta wama tiro cahapũ wahaha.

**Fariseo curua macaina Jesure Cohamacũ
tuaa mehne yoa ño dutiha**
(Mt 16.1-4; Lc 12.54-56)

¹¹ Æ yoa fariseo curua macaina wihi, Jesu mehne cahma sayoha. Tina Jesure Cohamacũ tuaa mehne yoa ño dutia, to yoa ño masierachũ ñũ duamaha. ¹² Ti ã dutichũ tũhoro Jesu cahyaro mehne yajeri sãano, õ sehe niha:

—¿Mũsa mipũ macaina dohse yoana mũsa Cohamacũ tuaa mehne yoa ñoare ñũ duajari? Potocã niita nija mũsare. Mipũ macainare mũsare Cohamacũ tuaa mehne ne yoa ñosi yuhũ —niha Jesu.

¹³ Æ ni tuhsũ waha, pari turi dohoriapũ samu, sie coapũ pahãa wahaha.

**Fariseo curua macaina, Herode mehne macaina
cũhũre ñaare ti buheare yahuha Jesu**
(Mt 16.5-12)

¹⁴ Æ wahaa, pãore boa waha, dohoriã cũ curita pãore cjuaha tina. ¹⁵ Æ yoa Jesu cuaro mehne yahuha tinare:

—Noano yoanohbũ. Fariseo curua macaina, Herode mehne macaina cũhũ ti pão bũcũarore ñũna noano yoaga. Cua nina tí —ni yahuha.

16 To ã nichũ tũhoa tina to buheina sehe tíre ti basi õ sehe ni durucuha:

—Mari pãore mari na taerachũ ñũno ã nino nica ahriro —nimaha tina ti basi.

17 Ti ã nirire masino tinare õ sehe ni sinituha Jesu:

—¿Dohse yoana mũsa pão borire wacũjari mũsa? ¿Mũsa masierasinihari? ¿Tũho ñahaerasinihari? ¿Tũho duaerajari mũsa? 18 ¿Capari tiina jipanahta ñũerajari mũsa? ¿Ã jina cahmori tiina jipanahta tũhoerajari mũsa? ¿Mũsa ahrire wacũerajari? 19 ¿Yũhũ cũ wamomaca pihtia pão curirire nuha, cinco mil bui masare yũ warire wacũerajari mũsa? ¿Ti yapí wahyorire nohope pũhũsere pão curirire wahpo dapori mũsa? —niha Jesu tinare.

—Doce pũhũse —ni yũhtiha tina tirore.

20 —¿Ã yoa yũhũ siete curirire pão curirire cuatro mil bui masare yũ wari baharo nohope pũhũsere pão curiri wahpo dapori mũsa? —niha Jesu.

—Siete pũhũse —ni yũhtiha tina tirore.

21 —¿Ã ñũpanahta noano tũho ñahaerasinihari mũsa? —niha Jesu tinare.

Jesu capari ñũerarirore ñũchũ yoaha

22 ã yoa tina Betsaidapũ ti sũchũ ñũa, masa sehe capari ñũerarirore na wihiha.

—Tirore ña payoga —ni, tuaro siniha tina Jesure.

23 Ti ã sinichũ tũhoro, Jesu capari ñũerarirore wamomacare ñaha, tí maca dũhtũ cahapũ tirore tũã wahcãha. Tórpũ na sũ, to caparire chahcho puti, to wamomacari mehne tirore ña payoha.

—¿Mũ ñũchũ bajujari? —ni sinituha Jesu.

24 To ã nichũ tirore sehe ñũno, õ sehe niha:

—Mũare ñũja. Yũ ã ñũpachũta tina yucũri tinia yucũ yoaro sehe bajura —niha capari ñũerarirore cjiro.

25 To ã nichũ tũhoro Jesu sehe to wamomacari mehne to caparire ña payoha tjoa. To ã ña payori baharo capari ñũerarirore cjiro tuaro to ñũchũ to capari noano bajuha. ã yoaro jipihtiare

noano ñuha tiro. ²⁶ To ã ñu masichu ñuno, Jesu tirore to wuhuru warocaha.

—Macapu pinihtare wahai tjiga —niha Jesu tirore.

“Jesu potocã Cristo, Cohamacu to warocariro jira”, ni yahuha Pedro

(Mt 16.13-20; Lc 9.18-21)

²⁷ Ñ yoa Jesu to buheina mehne Cesarea Filipino wama tiri maca cahai jia macaripu waha namoha. Tõpu ti waharo wato, Jesu õ sehe ni sinitu ñuha to buheinare:

—¿Diro baro jicari yuhu masa yuhure ti tãhotuchu? —ni sinitu ñuha tiro tinare.

²⁸ To ã sinitu ñuchu tãhoa õ sehe ni yũhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu mũhtaina cjiri mehne macariro jira”, nina mũhure —ni yũhtiha to buheina tirore.

²⁹ Ti ã ni yũhtiri baharo Jesu õ sehe ni sinitu namoha tinare:

—¿Musa sehe musa tãhotuchu diro baro jicari yuhu? —ni sinitu ñuha tjoa.

—Mũhu Cristo Cohamacu masare yũhdo duti to warocariro jira —ni yũhtiha Pedro.

³⁰ To ã nichu tãhoro Jesu õ sehe niha:

—Yuhure “Cristo jira tiro”, ni yahu sitesiniena tjiga painare —niha tinare.

Jesu to yariahtore, to masa wijahto cãhure yahuha

(Mt 16.21-28; Lc 9.22-27)

³¹ Tinare to ã ni sinitu ñuri baharo, õ sehe ni buhe dũcaha tiro:

—Yuhu masũno Cohamacu warocariro jija. Ñ jicu tuaro ñano yũhdũcũhca. Ñta waharo cahmana yũhure. Mari coyeya judio masa, bũcũna, sacerdotea pũhto, mari judio masare buheina yũhure cahmaeraa, yũhure wajã dutiahca. Ti ã wajãchu tia dacho wahaboroi masa wijaaihca —niha Jesu tinare.

³² Ñ nino ne tũho wisiachũ yoaro marieno yahuro niha tinare. To ã nichu tãhoro Pedro sehe pa sehe curerocã Jesure

narucü sü, tirore ã ni dutieraha. ³³ To ã ni dutierachü tũhoro Jesu to buheinare majare ñü, tuhtiha Pedrore:

—Satana yoaro sehe durucui nina müñü. Æ nii tjiga. Mü tũhotua masa ya jira. Cohamacü ya jierara —niha tiro Pedrore.

³⁴ Æ ni tuhsü masare to buheina mehne tiro cahapü pjiroca, õ sehe niha:

—Cũiro yü yairo ji duaro, to cahmano yoa duamarire duhunocanoñca. Æ jiro crusapü yü ñano yũhdũhtiro seheta tiro yü yairo to jiri buhiri ñano yũhdũparota yũhũre duhusi. Æ jiro yü yare yoarucuriro jiroñca. ³⁵ Masũno to mü sũro to cahmano seheta yoariro pichacapü tiro waharohca. Æ yoa masũno yü yare ã yoarucuro, noaa buheare ã yoarucuro, jipihtia dachoripe yũñü mehne müanopü jirucuroñca. ³⁶ ¿Cũiro masũno ahri yahpa macaare jipihtiare cjũariro pichacapü waharo yabare wapatajari tiro? Æ jiro ne wapataerara. ³⁷ Pichacapü to wahachü ne dohse wapa wiohto basioerara. Masũno to jia tia wiho waro jierara. ³⁸ Mipũre ñaina, Cohamacũre cahmaeraina ti mü sũro ti yoari dacho jiro nina. Cãina yü wamare, yü buheare ni dua bũo tiboca. Ti ã yoachü ñücsü yũñü masũno Cohamacü warocariro noaina anjoa mehne yü Pũcsü to si sitero mehne tjua tacü yü wamare ni duapahta bũo tiinare bũo tisãaihca yũñü cũñü —ni yahuha Jesu.

9 ¹ Æ ni tuhsü õ sehe ni namoha Jesu:

—Potocãta niita nija müsare. Cãina müsã õpũre jiina müsã yariahto pano pũhtoro Cohamacü to sũho jiropũre yü sãachü yũhũre ñũnahca —niha Jesu tinare.

Jesu to pjacũre cohtotaha

(Mt 17.1-13; Lc 9.28-36)

² Æ yoa seis dachori baharo Jesu Pedrore, Santiagore, ã yoa Santiago bahũro João cũñũre müadü tũcũpü tina dihtare pji müjaha. Müanopü ti müja sũri baharo ti ñũrocaroi to pjacũre cohtotaha. ³ To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsechü yoa masierara. ⁴ Æ jia Elia cjiro, ã jichü Moise cjiro mehne Jesu mehne ti sũhũdũchü ñũha tina tiaro Jesu buheina. ⁵⁻⁶ Æ jia tina tuaro cuiha. Æ cuiro dohse ni masieramahno õ sehe nimaha Pedro:

—Pũhtoro, mari õi jichũ noa duara. Tia wũhũcã yoanahtja sã. Mũ ya wũhũcã, Moise ya wũhũcã, Elia ya wũhũcã yoanahtja —nimaha tiro Jesure.

7 To ã niri baharocãta, me curua ti bui duji pja sũha. To ã duji pja sũchũta, me curua watoi õ sehe nino coa taha:

—Ahriro yũ macũ yũ cahĩro jira. Tũhoga tirore —nino coa taha.

8 Æ nino coa tachũta Pedro cũhũ ñũrocamaha. Jesu dihtare ñũha. Ti ñũrina cjiri sehe mariaha jũna. 9 Æ jiro tũcũpũ ti duji tachũ Jesu tinare õ sehe ni yahuha:

—Michapucacã yũhũre ã waharire painare yahuena tjiga. Yũhũ masũno Cohamacũ warocariro yũ yaria masa wijaari baharo tíre painare yahuga mũsa —ni yahuha tiro.

10 Æ jia to dutiriro seheta tina ti ñũrire yahueraha painare. Æ jia tina ti basi õ sehe ni sinitu durucuha:

—“Yũ yaria masa wijaari baharo” nino, ¿dohsearo ã niri tiro? —ni durucuha tina.

Æ jia Jesure õ sehe ni sinituha:

11 —“Cristo to tahto pano Eliare ta mũhtano cahmana”, nina mari coyea judio masare buheina. ¿Dohse jiro baro ã nijari tina? —ni sinituha tina tirore.

12-13 Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhũ masũno Cohamacũ warocariro payũ tahari ñano yũhdũihca. Paina yũhũre cahmaeraa, ñano yoaaahca. ¿Tí cũhũre masijari mũsa? Æ jicũ ahrire nihtja mũsare: Elia wihi tuhsũre. To ã wihipachũta tina ti cahmariro seheta tirore ñano yoaha. Æta ni joaha tirore —niha Jesu tinare.

Jesu wahma wahmũa tarirore noariro wahachũ yoaha

(Mt 17.14-21; Lc 9.37-43)

14 Æ yoa duji ta, paina buheina cahapũ sũ, payũ masare ñũha Jesu. To buheina sehe judio masare buheina mehne cahma sayoa niha. 15 Æ jia Jesu cũhũ ti duji tachũ ñũa, jipihtina masa cũaa waha, tiro cahapũ mũrocaa wahaha. Tiro cahapũ sũa:

—¿Tamajari? —niha tirore.

16 —Tamaja —ni tuhsũ—, ¿dohse ni cahma sayona niri mũsa tina mehne? —ni sinituha Jesu to buheinare.

17 To ã ni sinituchũ tũhoro, masa watoi ducuriro õ shehe ni yahuha tirore:

—Buheriro, yũ macũre watĩno to cohtotarirore mũhũre na tamahi. Watĩno shehe tirore durucu dutierara. 18 Yũ macũre to ñahachũ yahparũ bora, bahca diho, bũhaa wahaa tire tiro. ã waharo sahpo tua tire. ã jicũ mũ buheinare watĩnore cohã wio dutimahi. Yũ ã dutipachũta tina shehe cohã wio masierare watĩnore —ni yahuha Jesure.

19 To ã nichũ tũhoro Jesu õ shehe niha tinare:

—Ne, yũhũre wacũ tuaerara mũsa. Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? Tirore na tahga yũhũre —niha Jesu.

20 To ã nichũ tũhoa watĩno to cohtotarirore Jesu cahai na taha. Ti na wihichũ ñũno watĩno shehe wahma wahmũa tarirore yahparũ doca caha sũ, tunu teterechũ yoaha. ã yoa sahpo tua wahaha.



21 —¿Noho puro yoari pja watĩno to cohtotariro jijari ahriro? —ni sinituha Jesu shehe to pũcũrore.

—Wihãrirocã jiroputa tiro watĩno to cohtotariro jira. 22 ã cohtotaro payũ tahari watĩno shehe tirore pichacarpũ, copũ cũhũre cohã wajãmaha. ã jicũ mũhũ yoa masicũ sãre pja ñũ, yoadohoga —niha to pũcũro Jesure.

23 To ã nichũ tũhoro õ shehe niha Jesu:

—¿Dohsea jiro baro “Mũhũ yoa masicũ”, nijari mũhũ yũhũre? Yũhũre mũ wacũ tuachũ ñũno, Cohamacũ jipihtiare yoa pahño masina mũhũre yoadohobasaro —niha Jesu.

24 To ã nichũta wahma wahmũa tariro pũcũro ò sehe ni sañurucuha:

—Mũhũre wacũ tuaja. Yũ wacũ tuaerachũ ñũcũ yũhũre yoadohoga mũhũre yũ noano wacũ tuahto sehe —niha tiro.

25 Æ jiro masa payũ tina cahapũ mũroca ta, ti cahmachuchũ ñũno, Jesu watĩnore ò sehe ni tuhtiha:

—Mũhũ durucu dutierariro, tũho dutierariro ahrirore cohtotariro wijaahga. Æ wijaacũ tirore pari turi cariboi tjiga —niha Jesu.

26 To ã nichũ tũhoro watĩno sañurucu, wahma wahmũa tarirore yahpapũ doca caha sũ tunu teterechũ yoa, wijaaha. To ã wijaachũ wahma wahmũa tariro yariariro yoaro sehe wahaha.

27 —Tiro yariaa wahara —nimaha masa payũ.

Ti ã nipachũta Jesu sehe to wamomacare ñaha, tirore wahcõha. To ã wahcõchũ wahcãha tiro sehe. 28 Baharo Jesu cũhũ wũhũpũ ti sãa sũchũ to buheina tirore ò sehe ni sinitu ñũha:

—¿Dohseana sã sehe watĩnore cohã wio masierari, mũ tũhotuchũ? —ni sinitu ñũha tina.

29 —Ahriro baro watĩnore cohã wio duana Cohamacũre tuaro sinino cahmana mũsare. [Æ yoa duana chũ duhuro cahmana mũsare Cohamacũre sinina tana] —ni yũhtiha Jesu tinare.

Pari turi Jesu to yariahtore, to masa wijaahatore yahuha

(Mt 17.22-23; Lc 9.43-45)

30 Æ yoa tórpũ jiina waha, Galilea yahpapũ sũ, yũhdũaha. Tórpũ ti waharire paina ti masichũ cahmaeraha Jesu to buheinare buhe duaro. 31 Tórpũ sũro to buheinare buhea tiha. Ò sehe ni buheha:

—Yũhũ masũno Cohamacũ warocariro jija. Masa yũhũre ñaha, painapũre yũhũre waahca. Ti ã wari baharo yũhũre wajãahca tina. Ti ã wajãricũ tia dacho wahaboroi masa wijaaihca —niha tinare.

32 To ã nichũ tũhoa tina noano tũhoeraha. Æ jia cuja tirore tíre sinitu ñũ namoeraha.

Jesu buheina tina mehne macarirore pũhtoro sũ duaa nimaha
(Mt 18.1-5; Lc 9.46-48)

33 Ñ yoa tina Capernaupũ ti sũri baharo wũhũpũ ti jichũ Jesu sehe õ sehe ni sinituha tinare:

—¿Mahapũre tana, dohse ni durucu tana niri mũsa? —ni sinituha tinare.

34 To ã nichũ tina yũhtieraha. Mahapũre taa, cahma õ sehe ni durucu taa niha:

—¿Mari mehne macarirore diro sehere mari pũhtoro sũnahcari mari? —ni durucua niha mahai tarucua.

35 Ñ jia ti ã nirire bũo tia Jesure yũhtieraha. Ti ã yũhtierachũ ñũno Jesu nuju sũ, to buheinare doce buheinare pjiroca õ sehe niha:

—Mũsa pũthoa ji duana jipihtina masa ti cahamaca jiro cahmana mũsare. Tuhsũ, wiho jiina jipihtina docai jinahca mũsa —niha Jesu tinare.

36 Ñ nino nijinocãre tina watoi duhu dapoha. Duhu dapu tuhsũ tirocãre na wũa, õ sehe ni yahuha:

37 —Yũ yare yoa duana ahrirocãre mũsa cahmana, yũhũ cũhũre cahmana mũsa. Ñ yoa yũhũre cahmana, yũhũre warocariro mari Pũcũ cũhũre cahmana mũsa —niha Jesu tinare.

Marine ñũ tuhtiriro jieraro, mari mehne macariro jira
(Mt 10.42; Lc 9.49-50)

38 Baharo João õ sehe niha Jesure:

—Buheriro, mũ wama mehne mũ tuaa mehne watĩare cohã wiorirore sã ñũhi. Tiro mari mehne macariro to jierachũ ñũna tíre tirore yoa dutiera tihi sã —niha tina.

39 Ti ã nichũ tũhoro Jesu tinare õ sehe ni yahuha:

—Ñ niena tjiga mũsa tirore. Cũiro yũ wama mehne Cohamacũ tuaa mehne yoaro, baharo yũhũre ñano ni durucu masierara. 40 Marine ñũ tuhtiriro jieraro, tiro mari mehne macariro jira. 41 Mũsare potocãta nii nija. Yũ yaina mũsa jichũ ñũa paina mũsare ti yoadohochũ ñũno Cohamacũ tinare noano yoarohca. Core mũsare ti sihõchũ mahanoã ti wapachũta tinare noano yoarohca Cohamacũ ti ã yoari wapa —niha Jesu tinare.

Ñaare yoachũ cua nina

(Mt 18.6-9; Lc 17.1-2)

42 Ñ yoa Jesu õ sehe ni yahu namoha:

—Ahrirocã sehe jirirore yũhũre wacũ tua dũcarirore yahuihtja mũsare. Pairo ahrirocã sehe jirirore ñaare yoa dutiro tiro ñabiario yũhdũrohca. Cũirore to wamũapũ pjiria tãcare dũhte yo, pjiri mapũ tirore ti cohãchũ ñano wahaboa tiro. Ñ jiro ahrirocã sehe jirirore ñaare yoa dutiriro tiro sehe pjiri mapũ ti cohãriro yũhdoro ñano yũhdũrohca.

43-44 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. [Ñ yoa dachoa ne yarierara.] Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

45-46 'Mũ dahporo mehne ñano yoacũ tí dahporo cũhũre mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. [Tópũre ne pichaca yatierara. Ñ yoa dachoa ne yarierara.] Mũ dahporore mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

47-48 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. Ñ yoa dachoa ne yarierara. Tiare mũ cohãchũ tia dihta butiboa. Cũ bũhũsehe capariaca mariapaihta baharo Cohamacũ mehne jiihca. Pũa capariaca mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

49 'Ahri yahpai jina ñano yũhdũnahca mũsa. Pichacapũ mari jũchũ marine purĩno seheta ñano yũhdũnahca mũsa.
50 Moa noano coara. Moa coerachũ, coa yoahito basioerara. Moa coeraro tí moa ne noerara. Tí moare dohseahito basioerara. Moa noano to coaro seheta mũsa cũhũ ji coaina jiga. Tuhsũ, paina mehne noano mehne jiga —ni yahuha Jesu tinare.

Ti namosãnumiare cohãare yahuha Jesu

(Mt 19.1-12; Lc 16.18)

10 ¹ ã yoa tiro tópru jiriro waha, Judea yahpa caharu su, Jordão wama tiri ma pa buhusehe coaru suha. Tópru to suchu ñua masa payu tiro caharu cahmachuha tjoa. Ti ã cahmachuchu ñuno tó pano to buheriro seheta pari turi buheha tjoa. ² To ã buhero watoi fariseo curua macaina wihiha. Jesure ñano to durucuchu tãho duamaha tina tirore yahusa duaa. ã tãho duaa tina Jesure õ sehe ni sinitu ñuha:

—¿Mari namore cohãchu noabocari? ¿Mari dutia sehe tó seheta yoa dutijari, mu tuhutuchu? —ni sinitu ñuha tina.

³ —¿Dohse yoa dutiri Moise cjiro musare? —ni yuhtiha Jesu.

⁴ —“Mu namore cohã duacu papera pui tãre joaga. ã joacu tí pũre mu namore mu wari baharo ticorore cohã masina mũhu”, ni joaa tiha Moise cjiro —ni yuhtiha fariseo curua macaina sehe.

⁵ Ti ã nichu tuhoro õ sehe ni yahuha Jesu:

—Cohamacu dutiare musa yoa duaerachu ñuno ã ni joaa tiha Moise cjiro. ⁶ To ã ni joariro jipachuta ahri yahpare bajumehneriro muno, numino cũhure yoaha. ⁷ ã jiro muno to pũcsũmare cohã wijaa, to namono mehne jirohca. ⁸ ã jia tina pũaro jipahta cũ pjacu yoaro sehe jira. Tina pũaro yoaro seheta jierara. Cũ pjacu yoaro sehe jia nina. ⁹ Cohamacu to wamomaca dũhte dutiina jira. ã jia tinare duhueraro cahmana —niha Jesu tinare.

¹⁰ ã ni tuhsu tiro to buheina mehne wũhũru sãa wahaha. Wũhũru sãa sua, ti namosãnumiare cohãare to buheina sinitu ñuha tjoa tirore. ¹¹ Ti ã sinitu ñuchu tiro õ sehe ni yuhtiha:

—To namonore cohãriro pacorore namo tiro, pacoro mehne ñano yoariro jira. ã jiro to cohãricorore ñano wahachu yoaro nina. ¹² ã yoa numino sehe to manũnore cohãno, paire manũ tiro, tiro mehne ñano yoaricoro jira —niha Jesu tinare.

Macanacã ya cjihtire Cohamacure sini payoha Jesu

(Mt 19.13-15; Lc 18.15-17)

¹³ ã yoa macanacãre Jesure ña payo dutia taa tinacãre Jesu caharu na taa tiha. Ti ã na tachu ñua to buheina sehe tinacãre na tainare tuhtiha. ¹⁴ Ti ã tuhtichu ñuno Jesu suaha tina mehne. ã suaro õ sehe niha tinare:

—Macanacã yu cahapũ tajaro. “To cahai wahaena tjiga”, niena tjiga tinacãre. Tinacã Cohamacũre ti pũhtoro tũhotura. Pũhtoro Cohamacũ to sũho jiina ahrinacã yoaro sehe tũhotuina baro dihta jira. 15 Potocã niita nija mũsare. Ahrinacã Cohamacũ ti pũhtoro cjihtore cahmana. Ti yoaro sehetã mũsa cũhu Cohamacũ mũsa pũhtoro cjihtore cahmaerana, pũhtoro Cohamacũ to sũho jihtina ne jisi mũsa —niha Jesu.

16 Æ ni tuhsũ Jesu macanacãre na wũa tjiãhno, tinacãre ña payoro, õ sehe niha:

—Ahrinacã noainacã wahajaro —ni sini payoha Cohamacũre.

Pache pũro Jesure sinitu ñũha

(Mt 19.16-30; Lc 18.18-30)

17 Æ yoa Jesu mahai to waharucuchũ paio sehe mũroca wihi, to dahpori cahapũ na tuhcuã caha sũha tirore ño payoro.

—¿Ne, noariro buheriro, yũhu jipihtia dachoripe Cohamacũ mehne ã jirucu duacu dohse yoacũhcari yũhu? —niha tiro Jesure.

18 To ã nichũ Jesu õ sehe ni yũhtiha:

—¿‘Noariro’ ni pisujari mũhu yũhũre? Noariro sehe Cohamacũ dihta jira. 19 Ahri Cohamacũ dutiare masina mũhu: Masare wajãena tjiga. Namo tiriropũ paye numia mehne jiena tjiga. Yacaena tjiga. Mahũoa mehne paioire yahusãena tjiga. Paina yare mahũo naena tjiga. Mũsa pũcũsumare ño payoga. Ahri dutiare yoaihca mũhu —ni yahuha Jesu tirore.

20 —Buheriro, yũhu tí jipihtiare wahma wahmũa tariro jiiipũta yũhdũrũcaera tihĩ yũhu —niha tiro Jesure.

21 To ã nichũ tũhoro Jesu sehe tirore cahĩa mehne ñũroca õre. Æ ñũroca õno, õ sehe niha:

—Mahanocã dũhsara mũhũre mũ yoa pahũohto. Jipihtiare mũ yare duai wahaga. Æ yoacu jipihtia mũ wapatari niñerure pũacũoinare waga. Mũ ã yoachũ payũ mũ ya noaa mũanopũ, Cohamacũ cahapũ jiyuahca. Mũ ã yoari baharo yũhu mehne macariro cjihto taga —niha Jesu tirore.

22 To ã nichũ tũhoro tiro sehe payũ pache cjuariro jiro tíre pũacũoinare wa duaeraro, cahya, jicoaeraa, wahaa wahaha.

23 To ã cahyachũ ñũno Jesu majaregũcũ sũro, to buheinare ñũroca õ, õ sehe niha:

—Pache pua puhtoro Cohamacu to suho jiropure ti waha duachu mijobiara —niha tinare.

24 To ã nichu tuhoa tina sehe tîre tuho cûaa wahaha. Ñ ni tuhsu Jesu pari turi õ sehe ni yahu namoha tinare:

—Coyea, jipihtina [Cohamacure wacûno marieno “Mari mu suro mari cûaa mehneta noano yuhdunahca”, ni tuhotuina pache pua] puhtoro Cohamacu to suho jiropure ti waha duachu mijobiara. 25 Camello sehe awicã copacãre to sãa nuhri wijaa duachu basioerara. To ã jiro yuhdoro pache puro puhtoro Cohamacu to suho jiropure to waha duachu nu mijobiara —ni yahuha Jesu tinare.

26 To ã nichu tuhoa tina sehe tuho cûa yuhdûa waha, ti basi õ sehe niha:

—Cue, to nino seheta potocã jichu ne cûiro masunore yuhdoeraboca Cohamacu —niha tina ti basi.

27 Ti ã nichu tuhoro Jesu tinare ñuroca õ, õ sehe niha:

—Masa ti basi ti mu suro yuhdu masierara. Wiho mejeta Cohamacu sehe masare pichacapu wahaborinare yuhdo masina. Tiro jipihtiare noano yoa masi pahñoriro jira —niha Jesu tinare.

28 To ã nichu Pedro tirore õ sehe niha:

—Tuhosiniga. Sã sehe jipihtia sã yare cûnocaa tii mûhu mehne tana —niha tiro Jesure.

29 To ã nichuta Jesu õ sehe niha:

—Potocã niita nija musare. Noaa buheare, yu yare yoana tana yuhure ño payona tana musa wuhusere, musa bahanare, musa pocosãnumiare, musa pohñare, musa weserire cûnocarina jina, pjîro wapatanahca musa mipure. 30 Ñ yoana musa wuhuserire, musa bahanare, musa pocosanumiare, musa pohñare, musa weserire, tó pano musa cjuariro yuhdoro mipure payu cjuanahca musa. Ñ yoa paina musare ñano yoaahca. Ñ jina baharopure pa turupu jipihtia dachoripe Cohamacu mehne jinahca. 31 Mipure payu puhtoa jirina cjiri tí pjarure wiho jiina tjuanocaahca. Ñ yoa mipure payu wiho jiina jirina cjiri tí pjarure puhtoa cohtotaahca tjoa —ni yahuha Jesu tinare.

Pari turi Jesu to yariahtore, to masa wijaahtore yahuha

(Mt 20.17-19; Lc 18.31-34)

32 Ñ yoa tina maharu maja, Jerusalêpu mujaa niha. Jesu ti panocã mu tâha. Ñ to mu tâchu ñua to buheina ñu cûaa

wahaha. Ñ yoa ti baharo nũnũ tiina sehe cuiro mehne nũnũ tiha. Ñ yoa Jesu doce to buheinare ti sahsero naaha tjoa. Ñ naa tuhsũ, masa tirore ti dohse yoachtire Jesu yahu dũcaha tinare:

33 —Tũhoga yũhũre. Mipũre Jerusalẽpũ wahana nija mari. Tõpũ masa yũhũre masũnore Cohamacũ warocarirore ñaha, painapũre yũhũre waahca. Sacerdotea pũhtoare, mari coyea judio masare buheina cũhũre yũhũre waahca. Ñ jia yũhũre wajã dutiahca tina. Ñ wajã dutia judio masa jieraina sehere yũhũre waahca. 34 Ti ã wari baharo tina sehe yũhũre bũjũpe, chahcho puti sihõ, tjana, wajãahca. Ñ yoa yũ yariari baharo tia nũmũ wahaboroi masa wijaaĩhca —ni yahuha Jesu tinare.

Santiago João mehne Jesure siniha

(Mt 20.20-28)

35 Ñ yoa Santiago, João mehne Jesu cahapũ sũa, siniha tirore. Tina Zebedeo pohna jiha. Ñ jia õ sehe ni siniha:

—Buheriro, sã sinino seheta sãre yoaga mũhũ —niha tina Jesure.

36 —¿Dohse yũ yoachũ cahmajari mũsa? —niha Jesu tinare.

37 —Jipihtina bui pũhtoro jicũ sãre mũhũ mehne duji dutiga. Cũiro mũ potõ bũhũsehei paio mũ cõ bũhũsehei duji dutiga sãre, mũhũ mehne pũhtõ sã jihto sehe —niha tina Jesure.

38 Ti ã nichũ tũhoro õ sehe ni yahuha Jesu tinare:

—Mũsa ñano yũhdũhtõre masierapanahca ã sinina yũhũre. ¿Mipũre yũ ñano yũhdũhto seheta ñano yũhdũna cũno pjabocari mũsa cũhũ? —ni sinituha tinare.

39 To ã sinituchũ tũhoa tina õ sehe ni yũhtiha:

—Cũno pjanahca —ni yũhtiha tina.

Ti ã nichũ Jesu õ sehe ni yahuha:

—Yũ ñano yũhdũhto seheta ñano yũhdũnahca mũsa cũhũ.

40 Mũsa ã yũhdũhtina mũsa jipachũta, yũhũ mehne dutihtinare, yũhũ mehne dujihtinare bese masieraja yũhũ. Ahrire yũ Pũcũ sehe cahno tuhsũre. Ñ jia to besehtina dihta yũ potõ bũhũsehei yũ cõ bũhũsehei dujiahca —niha Jesu tinare.

41 Ñ jia paina diez buheina Santiago, João ahrina pũaro mehne susiniha ti ã sinirire tũhoa. 42 Ti ã susinichũ ñano Jesu to buheinare pjiroca, õ sehe niha:

—Cohamacure masieraina puhtoa sehe ti masare dutia, purino mehne dutira. ⁴³ Musa sehe ne a yoasi musa basi. Diro musa mehne macariro musa bui puhtoro ji duaro, jipihtina tiro mehne macaina cahamacuno yoaro sehe jia tiro cahmana tirore. ⁴⁴ A yoa diro musa mehne macariro musare dutiriro ji duariro musa cahamacuno yoaro sehe jia tiro cahmana tirore. ⁴⁵ To seheta jiriro jija yuhu cuhu. Yuhu masuno Cohamacu warocariro jipacuta ahri yahpapure yuhure musa yoadohohtire musare sinii tai nierahi. Musa sehere yoadohoi tai nii. A yoacu payu masa ya buhirire yaria, wapabasai tai nii. Yu a yariaro mehne payu masare pichacaru wahaborinare yuhduchu yoai tai nii —niha Jesu tinare.

Bartimeore, capari nuerarirore nuchu yoaha Jesu

(Mt 20.29-34; Lc 18.35-43)

⁴⁶ A yoa baharo tina Jericoru suha. Jesu to buheina mehne, a jichu paina masa payu mehne ti macai jiina ti wahachu ti macare ti yuhdu wahcachu waro, Bartimeo sehe ti wahari maha duhtu cahai dujiha. Tiro Timeo macuno capari nuerariro jiro, masare niherucare a sinirucuriro jiha. ⁴⁷ Ti wahari maha duhtu cahai dujiro, “Jesu Nazare macariro tara”, ti nichu tuhoro, Bartimeo sehe o sehe ni sanurucuha:

—Jesu, Davi cjiro panamino masare yuhdohtiro, pja nuga yuhure —ni sanurucuha Jesure.

⁴⁸ To a nichu tuhoa masa payu Bartimeore “Dihta mariaha”, ni tuhtiha tina tirore. Ti a ni tuhtichu tuhoro Bartimeo to pano to sanurucuriro yuhdo curero sanurucu namoha tjoa:

—Jesu, Davi cjiro panamino masare yuhdohtiro, pja nuga yuhure —ni sanurucuha tiro.

⁴⁹ To a ni sanurucuchu tuhoro Jesu sehe tjuarucu su, “Pjirocaga tirore”, niha. To a nichu tuhoa tina sehe capari nuerarirore o sehe ni yahuha:

—Wahchega. Wahcarucaga. Tiro muhure pjira —niha tina Bartimeore.

⁵⁰ Ti a nichu tuhoro to bui macari suhtirore tjuwe cu, pu wahcarucu su, Jesu caharu surucu suha. ⁵¹ A jiro, Jesu sehe o sehe ni sinituha tirore:

—¿Dohse yu yoachu cahmajari muhu? —niha Jesu tirore.

—Yu puhtoro, yuhure nuchu yoaga —niha capari nuerariro Jesure.

52 —Wahaga mũhũ. Mũhũ yũhũre wacũ tuacũ noariro wahara —niha Jesu tirore.

To ã nichũta capari ñũerariro ñũa wahaha. ã noariro waharo Jesu mehne mahapũ wahaa wahaha.

Jerusalẽpu sũha Jesu

(Mt 21.1-11; Lc 19.28-40; Jn 12.12-19)

11 ¹ ã yoa tina Jerusalẽpu ti sũhto panocã tũcũ Olivo wama tidũ dũhtũ cahai jiri maca Betfagé wama tiri maca cahai, ã jichũ Betania wama tiri maca cahai sũ mũhtaha. Tí macari pũa maca cahai Jesu sũro, to buheina pũarore warocaró taro, õ sehe ni yahu quihõha:

² —Sí macapũ wahaga. Tópũ sũna dóihũta burrocãre ti dũhte daporirocãre boca sũnahca. Tiro ne cũiro ti pisamahnoerarirocã jica. Tirocãre bocana, yuta dare pjã, na tabasaga yũhũre.

³ Mũsa tirocãre pjãchũ ñũno cũiro dohse jiriro, “¿Dohse yoana tana burrocãre dũhte daporí dare pjãjari mũsa?”, to nichũ tũhona, õ sehe ni yũhtiga tirore: “Mari pũhtoro burrocãre cahmarocasinire. Michapucacãta wiarohca tiro”, ni yahuga tirore —ni yahu duti warocaha to buheina pũarore.

⁴ To ã nichũ waha, tí wũhũ sopaca cahai burrocãre ti dũhte daporirocãre bocaha. Boca, tirocãre pjãha. ⁵ Tirocãre yuta dare ti pjãchũ ñũa tói ducuina õ sehe ni sinituha tinare:

—¿Dohse yoana tana burrocãre dũhte daporí dare pjãjari mũsa? —ni sinituha tina.

⁶ Ti ã nichũ tũhoa, tina sehe Jesu to niriro seheta yahuha tói ducuinare. Ti ã ni yahuchũ tũhoa tói ducuina sehe “Naahga”, niha tinare. ⁷ ã jia tina burrocãre Jesu cahapũ na sũha. Ti na sũri baharo tirocã bui ti bui sãa suhtire ti pjũpaha payo tuhsũchũ ñũno, Jesu sehe tirocã bui mũja pja, wahaha. ⁸ Tirocã bui to wahachũ ñũa, masa payũ ti bui sãa suhtire tjuwe na, to wahahti mahai saño cũ mũhtaha, Jesure ño payoa. Paina sehe campopũ pũri tia dũpũrĩre yucũ dũpũrĩre dũte na ta, to wahahti mahai duhu cũha.

⁹ ã jia to pano wahaina, to baharo nũnũ tiina mehne õ sehe ni saũurucuha:

—Ahrĩrore wahche payojihna. Ahrĩro Cohamacũ to warocarĩro noano jijaro. ¹⁰ Mari ñũchũ Davi cjiro pũhtoro to noano sũho jiriro seheta, ahrĩro marine to sũho jĩhto cũhũ

noano jijaro. Mũano macariro Cohamacu, mũhũ tuariro waro jira —ni sañurucuha tina.

11 Ti ã yoari baharo Jesu sehe Jerusalẽpu sũha. Sũ, Cohamacu ya wũhũpu sãa sũro, tí wũhũi jiare jipihtiare ñũ pahñonocaha. Ñũ tuhsũ “Ñamichahapu waro jira marine” nia, Jesu to buheina doce buheina mehne Betaniapu wahaa wahaha.

Jesu higueraçure yaria dutiha

(Mt 21.18-19)

12 Ñ yoa pa dachoi tina Betaniapu jiina wahaa wahaha. Ñ jiro Jesu sehe jũca baa, yoaropũ higuera wama tidũre noano pũri tidũre ñũno tũ dichare macano wahamaha. 13 Dicha mariaha. Dicha tiri pja jieraro pũri dihta jiha. 14 Ñ jiro dicha mariachũ ñũno õ sehe niha:

—Ahdũ dichare masa ne pari turi chũea tjiijaro. Ne dicha tiero tjiijaro —niha Jesu.

To ã nichũ to buheina sehe tũhoha.

Jesu Cohamacu wũhũre Cohamacu mehne durucuri wũhũre yoa dutiha

(Mt 21.12-17; Lc 19.45-48; Jn 2.13-22)

15 To ã yoari baharo tina Jerusalẽpu sũha. Tõpu sũro, Jesu Cohamacu ya wũhũpu sãa sũro pache duainare, nuchũina cũhũre cohã wioha. Ñ yoaro niñeru cohtotaa mesarire yo wahcõ na majare cũ mũjaa tiha. Bujaare duaina ti dujia pahtari cũhũre ãta yoaha. 16 Ñ yoaro paye barore na sãa dutieraha masare. 17 Tõ sehe yoa tuhsũ, Jesu õ sehe ni buheha tinare:

—Õ sehe nina Cohamacu yare ti joari pũi: “Yũ wũhũ Cohamacu mehne durucuri wũhũ wama tirohca. Ñ jiro jipihtiro macaina ya wũhũ cjihto jirohca”, ni joa tiha Cohamacu yare ti joari pũi. To ã nipachũta mũsa sehe ahri wũhũi duana, mũsa basi cahma yacara mũsa —ni buheha tinare.

18 To ã ni buhechũ jipihtina masa sehe tũho cũaa wahaha. Ñ jia sacerdotea pũthoa, sã judio masare buheina mehne tirore cui niha. Ñ jia tina tirore ti wajãhti cjihtire wacũ macamaha. 19 Ti ã yoachũ ñamichahapu Jesu to buheina mehne tí macapu jirina cjiri wahaa wahaha.



Higueracü ñaia wahaha

(Mt 21.20-22)

20 Ñ jia bohrearo maharü maja taa, higueracüre ñüha. Tü ñühorirü ñai dësa, ñaia wahaha tü. 21 Türe ñüno Pedro sehe wacüno õ sehe niha:

—Buheriro, ñüga. Higueracü mü yaria dutidü yaria wahari jira —niha Pedro.

22 To ã nichüta Jesu õ sehe ni yahuha tinare:

—Cohamacüre wacü tuaga müsä. 23 Potocã niita nija müsare. Ahdü tücüre pjiri marü müsä cohã dutichü müsä niriro seheta ã waharohca. Cohamacüre noano müsä wacü tuachü “Yü siniriro seheta ã waharohca”, müsä ni tühotuchü müsä niriro seheta ã waharohca. 24 Ñ jicü ahrire yahuihtja müsare. Cohamacü mehne durucuna, tirore sinina, “Yü siniriro seheta warohca yühüre”, ni tühotuga. Müsã ã ni tühotuchü ñüno Cohamacü müsä siniare warohca. 25 Ñ yoana Cohamacü mehne müsä durucuhto pano müsare paina ti ñano yoachü müsä suari cjiire duhuga. Müsã ã yoachü ñüno Cohamacü müano macariro müsã ñaa buhirire tiro cühu sua duhurohca. 26 [Müsare ñano

yoainare m̄sa sua duhuerach̄u mari P̄sc̄u c̄uh̄u m̄ano macariro m̄sa ñaa buhiri sehere bosì tiro c̄uh̄u] —niha Jesu.

**Sacerdotea p̄h̄toa, judio masare buheina,
b̄sc̄una mehne Jesu mehne cahma sayoha**
(Mt 21.23-27; Lc 20.1-8)

27 To ã niri baharo tina Jerusalēp̄u wahaha tjoa. ã jia Jesu Cohamac̄u w̄h̄uì to tinich̄u ñ̄ua sacerdotea p̄h̄toa, sã judio masare buheina, b̄sc̄una mehne tiro cahap̄u s̄ua tirore ò sehe ni sinitu ñ̄ua:

28 —¿Dohseac̄u can̄ure ã yoari m̄uh̄u? ¿Noa m̄uh̄ure tíre ã yoa dutiri? —ni sinitu ñ̄ua tina Jesure.

29 Ti ã nich̄u Jesu ò sehe ni ȳh̄tiha:

—M̄sa sehere sinitu m̄uh̄taih̄tja. Noano ȳh̄ure m̄sa ȳh̄tich̄u m̄sare yahuihtja ȳh̄u c̄uh̄u. 30 ¿Joã masare to bautisach̄u diro baro sehe tirore bautisa dutia tiari, m̄sa t̄hotuch̄u? ¿O Cohamac̄u dutiera tiari? ¿O masa sehe tirore dutia tiari, m̄sa t̄hotuch̄u? —ni sinituha tinare.

31 To ã nich̄u tina sehe ti basi ò sehe niha: “¿Dohse ni ȳh̄tinahcari mari? ‘Cohamac̄u Joãore dutia tiri jire’, mari nich̄u, ‘¿Dohseana Cohamac̄u Joãore to dutipach̄uta tirore t̄hoerari m̄sa?’ niboca Jesu marine. 32 ã yoa, ‘Joã to bautisach̄u Cohamac̄u sehe tirore dutierari jire’, mari nich̄u masa sehe suaahca mari mehne”, niha tina ti basi. “Potocãta Joã Cohamac̄u yare yahu m̄htariro jira”, ni t̄hotua tiha masa sehe. Ti ã ni t̄hotuch̄u masia, Joãore doca dahre duaeraha sacerdotea p̄h̄toa c̄uh̄u, “Masa suari”, nia. 33 ã jia tina Jesure ò sehe ni ȳh̄tiha:

—Joãore bautisa dutirirore sã masieraja —niha tina Jesure.

—Tí pja pinihta ȳh̄u c̄uh̄u ahrire ȳu yoare dutirirore yahueraja m̄sare —niha Jesu tinare.

Ñaina dahra cohtaina quitire yahuha Jesu
(Mt 21.33-46; Lc 20.9-19)

12 1 ã yoa Jesu to t̄hotua mehne ò sehe ni piti dahre buhe d̄cacha tinare:

—Wese p̄ro se dari cjihtire toaha. Toa tuhs̄u, sahr̄n̄ore dapo, sere ti t̄ m̄tohti copare saha, m̄ari w̄h̄ucã dahreha tiro. Tuhs̄u, tí wesere painare c̄u b̄h̄usehe coa pahma c̄uno, tí wesere ñ̄u wihbo dutiha. Ñ̄u wihbo duti tuhs̄u, pa yahp̄ap̄u

wahaha tiro. ² Baharo se ñiri pja jichu wese puro tirore dahra cohtaritore wese macaa to ya coa macaa dichare na dutiro warocamaha. ³ Ñ jia tí wesere ñu wihboina sehe tirore dahra cohtaritore ñaha, cjãha. Ñ yoa tuhsu tirore dahra cohtaritore se tōhorine waerapahta tjuaa dutiha tirore. ⁴ Ñ jiro wese puro paio tirore dahra cohtaritore warocamaha tjoa. Ñ jia wesere ñu wihboina sehe tirore dahra cohtariro dapure cami dahre, ñano yoaha tina tirore. ⁵ Tuhsu, paio sehere to warocachu ñu wihboina tirore wajãha. Payu paina cūhure ã dihta yoa mujaha. Paina sehere cjã, paina sehere wajãha tina.

⁶ Ñ jiro wese puro macuno dihta dūhsaha. Tiro to cahīriro jiha. Ñ jiro to macunore warocaha juna, “Yu macu sehere ño payoahca”, nino. ⁷ To ã ni tūhotupachuta tina ñu wihboina ti basi õ sehe ni durucuha: “Wese puro macuno baharo ahri wesere cjuah tiro jira ahriro. Tirore wajãjihna mari. Ñ jiro ahri wese mari ya wese tjuarohca”, nimaha tina ti basi. ⁸ Ñ nia tirore ñaha, wajã, wese dūhtu caharu na wahcã, cohānocahna tina tirore.

⁹ ¿Ne wese puro taro dohse yoarohcari tiro wesere ñu wihboinare? Õ sehe yoarohca tinare: Tiro tinare wajãno, paina sehere wesere ñu wihbo dutirohca. ¹⁰⁻¹¹ ¿Cohamacu yare ti joari pūre ahrire buherari musa? Õ sehe ni joaa tiha: “Ahriro Cristo tãca yoaro seheta jira.

Tãcare wūhu dahreina ti cohāno seheta masa tirore cohāhca.

Ti ã yoapachuta mipure wūhu dahreina wūhure yoaa ti cū mūhtari tãcare ti cūno seheta Cohamacu tirore pūhto sōre.

Cohamacu sehe ahrire yoare.

To ã yoachu ñuna, ‘Noa yūhdūara’, ni tūhotuja mari”, ni joaa tiha panoru. ¿Tíre ne buherari musa? —niha Jesu tinare.

¹² To ã nichu tūhoa sacerdotea pūhto, sã coyera judio masare buheina, bucuna mehne õ sehe ni tūhotuha: “Jesu wesere ñu wihboina quiti mehne marine tuhtiro nina”, ni tūhotuha. Ñ ni tūhotua Jesure ñaha duamaha. Ñ ñaha duapahta masare cui niha. Ñ cuia tirore cohã wahcã wahaha.

**Fariseo curua macaina, Herode ya curua macaina
mehne gobierno macaa wapare sinituha Jesure**

(Mt 22.15-22; Lc 20.20-26)

13 Waha, tina fariseo curua macainare, Herode ya curua macaina cūhure Jesure sinitu dutia warocaha tjoa. Jesu ñano to yūhtichu yoa duamaha tina, tirore yahusāa taa. 14 Ñ jia Jesu cahapū sua, tirore mahño cū sinitu ñūmaha:

—Buheriro, potocā durucuriro, mahñoa marieriro mū jichū masija sã. Cohamacū yare quihōno mū yahuchū cūhure masija sã. Ñ yoa cūiro pūhtoro waro to jipachūta tiro cūhure dórero marieno potota yahura mūhū. Ñ jicu sãre yahuga. ¿Roma macariro jipihtina bui pūhtoro jirirore gobierno macaare marine waparo cahmajari, mū tūhotuchū? ¿Mari dutia tirore wapa dutijari, mū tūhotuchū? —ni sinitumaha tina Jesure.

15 Ti ñ sinituchū tūhoro ti yahusā duaare masino ò sehe ni sinituha tinare:

—¿Dohseana yū ñano durucuchū tūho duajari mūsa? Mipūre niñeru tūre na tahga. Tí tūre ñūjihna —niha Jesu tinare.

16 To ñ nichū tūhoa tina sehe cū tūre na taha. Ti na wihichū Jesu ò sehe ni sinituha tinare:

—¿Diro baro masū wahājari ahri tūre? ¿Diro baro wama wahājari? —ni sinituha tiro.

—César, masa bui pūhtoro masū, to wama cūhū wahāna —ni yūhtiha tina.

17 Ti ñ nichū Jesu ò sehe ni yahuha tinare:

—Tí pja pinihta masa bui pūhtoro yare tiro sehere waga. Cohamacū yare Cohamacū sehere waga —ni yahuha Jesu.

To ñ nichū tūhoa, tūho cūaa wahaha.

Saduceo curua macaina Cohamacū to masoare sinituha Jesure

(Mt 22.23-33; Lc 20.27-40)

18 Ñ yoa cāina Saduceo curua macaina Jesu cahapū wihiha. Saduceo curua macaina sehe “Cohamacū yariainare masosi”, ni tūhotuina jimaha. 19 Ñ jia tina ò sehe niha tirore:

—Buheriro, ò sehe ni buhea tiha Moise cjiro: “Cūiro to wahmino namo tiroro pohna mariaparota to yariachū ñūno to bahūrore to wahmino namono cjirore nūoano cahmana. Ñ yoaro to wahmino mūnana to pohna tiboro seheta pohna tiro

cahana to bahærore. ã jia to pohna to wahmino mnana pohna yoaro sehe jiahca”, ni joaa tiha Moise cjiro —niha tina Jesure.

20 Tre ni tuhs, ahri quitireta yahu namoha Jesure:

—Ciro masno jiha. Seis to bahana jiha. Ti wahmino sehe namo ti, pohna mariaparota yariaa wahaha. **21** Tuhs, paio to bahæro ch to wahmino namono cjirore camaha. To ã noari baharo to wahmino yoaro seheta pohna mariaparota yariaa wahaha tjoa. ã jiro ahriro bahæro to wahmino mnana yoaro seheta pohna mariaparota yariaa wahaha tjoa. **22** ã dihta wahaha ciro pohna waro. Ne pohna mariapahta yaria pihtia wahaha tina. Ti namono cjiro ch ti baharota yariaa wahaha. **23** ¿Ne, Cohamac jipihtinare yariaina cjirire to masoch diro namono sehe jirohcari ticoro? Tina jipihtina ticorore namo tirina cjiri jiha. ¿ã jiro diro namono sehe jibocari ticoro pototi? —ni sinituha tina.

24 Jesu õ sehe ni yhtiha tinare:

—Cohamac yare ti joari pre, to masia chre ne masierara msa. ã jia msa thotua sehe ne quihno jierara. **25** Yariarina cjiri ti masa mjari baharo tina anjoa yoaro sehe jira. Tina ma namo tierara tpre. **26** Yariarina cjiri ti masa wijahto sehere msare yahuihtja: Tre Moise cjiro noano yahu pahoha. To mahadc jri quitire õ sehe ni yahuha tiro: “Yh Abrah, Isaa, Jacobo ti phtoro tjija”, ni yahure Cohamac yhre”, ni joaa tiha Moise cjiro to joari tjui. **27** Ti yariari baharo “Ti phtoro tjija”, ni yahuha Cohamac. ã niparota yariarina cjiri phtoro jierara Cohamac. “Ti phtoro tjija”, to nia mehne catiina ti jich masija mari. Tiro catiina phtoro jira. ã jina “Yariaina masasi”, ni thotuna quihno thotuerara msa —niha Jesu tinare.

Cno noa yhdro to dutiare yahuha Jesu

(Mt 22.34-40)

28 ã yoa ciro s coyea judio masare buheina mehne macariro tina cahap wihi, ti cahma durucuch thoha. Jesu to noano yhtiare thoro õ sehe ni sinituha tirore:

—¿Cohamac ya dutia noa yhdaro di baro sehe jijari, m thotuch? —ni sinituha tiro Jesure.

29 Jesu tirore õ sehe ni yahuha:

—Ahri dutiata paye dutia yũdoro noa yũhdũara: “Israe masa tũhoga. Cohamacũ mũsa pũhtoro yũhũ cũirota jija.
30 Tuaro mũsa yajeripohnari mehne, noano mũsa wacũa mehne, mũsa tuaa mehne yũhũre cahĩga”, nina Cohamacũ.
31 Ahri dutia baharo paye dutia noa yũhdũara: “Mũ basi mũ cahĩno seheta mũ cahai jiina cũhũre cahĩga”, nina Cohamacũ. Ahri pũaro dutia jipihtia paye dutia yũdoro jira —ni yahuha Jesu tirore.

32 To ã nichũ tũhoro judio masare buheriro õ sehe niha:

—Ã tjira. Buheriro, potocã nina mũhũ. Cohamacũ cũirota jira. Pairo tiro yoaro sehe jiro mariahna. Mũ nia potocã tjira.
33 Cohamacũre tuaro mari yajeripohnari mehne, mari wacũa mehne, mari tuaa mehne tirore cahĩno cahmana marine. Yũ cahai jiinare yũ basi yũ cahĩno seheta tina cũhũre cahĩno cahmana yũhũre. Wahiquinare wajã jũ mũo mari wari mehne mari ño payochũ noa nimana. Ahri yũdoro Cohamacũre masa cũhũre mari cahĩa noa yũhdũara. Mũ ã nia potocã tjira —niha judio masare buheriro Jesure.

34 To ã noano yũhtichũ tũhoro Jesu õ sehe ni yahuha tirore:

—Mahanocã dũsara mũhũre Cohamacũre mũ noano masihtõ —niha tirore.

To ã nichũ tũhoa paina cuia, ne sinitu ñũeraha tirore.

¿Diro baro coyero jijari Cristo?

(Mt 22.41 -46; Lc 20.41 -44)

35 Ñ yoa Cohamacũ wũhũi buhero õ sehe niha Jesu:

—“Cristo Davi cjiro panamino jira”, ni buhera mari coyera judio masare buheina. ¿Dohse yoa ã ni buhejari tina? **36** Davi cjiro to basi Espĩritu Santo to dutiriro seheta õ sehe ni yahua tiha:

“Cohamacũ yũ pũhtoro õ sehe nire:

‘Õi yũ poto bũhũsehei dujiga.

Ñ jicũ mũhũre ñũ tuhtĩnare mũhũre
 yũhdũrũcabasaihca yũhũ’,
 nire Cohamacũ yũ pũhtoro”,

ni joaa tiha Davi cjiro. **37** Ñ ni joaro Davi cjiro pũhtoro tia tiha Cristore. ¿Davi cjiro Cristo ñũchũno cjiro jiparota dohsearo Davi sehe pũhtoro tiari Cristore? Cristo Davi cjiro pũhtoro jira —ni yahuha Jesu.

To ã ni buhechũ payũ masa wahchea mehne tũhoha tirore.

Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

38 Ñ yoa tiro buhe namono ò sehe niha:

—Mari coyea judio masare buheina ti ñaa yoare noano ñnga. Ñ jina ti yoaro sehe yoarena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. 39 Ñ cahmaina jia, mari judio masa buhea wuhusei noaa dujia dihtare duji duara. Tuhsu, bose numu jichu tó cühure noaa dujia dihtare cahmana tina. 40 Tina wapewahya numia ya wuhusere ti ya cühure mana tí numiare. Ñ yoaina jia, tina masa ti ñurocaroi yoari pja Cohamacu mehne durucumana masare ñ dutia. Ti ñ yoari buhiri paina bui curero tinare Cohamacu pjíro buhiri dahrerohca —niha Jesu tinare.

Wapewahyoro to warire yahuha Jesu

(Lc 21.1-4)

41 Ñ yoa Jesu niñeru wihbori caro cahapu dujiha. Tí caropu masa ti niñeru duhu sãachu ñu dujiro niha. (Tí niñeru Cohamacu wuhure ti cahnochu ti wapahti jiha.) Ñ jia pache pu ti caropu pjíro duhu sãaha. 42 Ñ yoa wapewahyoro pjacuricoro tí caropu ta, pu tucãre duhu sãaha. Pu tu cū centavo posa jira. 43 Tí turire to duhu sãachu ñno to buheinare pjirocaha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. 44 Paina pache pu pjíro ti wapachuta ti ya pjíro duhsara. Ahricoro sehe pjacuricoro jiparota jipihtia to chutire to nuchuboacãre wa pahñohre —ni yahuha Jesu.

“Cohamacu wuhu cohãri wuhu jirohca”, niha Jesu

(Mt 24.1-2; Lc 21.5-6)

13 1 Ñ yoa Cohamacu wuhure ti wijaachu cūiro buheina mehne macariro ò sehe niha:

—Buheriro, ñnga. Ahri wuhuse noaa tãa mehne ti yoaa wuhuse noaca wuhuse jijari —niha tiro.

2 To ñ nichu Jesu ò sehe ni yahuha tinare:

—Ahri jipihtia mari ñari wuhuse cjiri, ahri tãa cũhu cohõ pihtia wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

3 ã yoa Jesu Olivo wama tidu tãcũpũ Cohamacũ wũhu potoi jidũpũ sũha. Tũ bui dujiha. Tõí Pedro, Santiago, João, Andre mehne ti sahsero jia, tina tirore õ sehe ni sinituha:

4 —Yahuga sãre. ¿Dohse jichũ ã waharohcari mũ niriro sehe waharo? ¿Pihtiri dacho panocã to jichũ dohse to waha dũcachũ ñũnahcari sã? —ni sinituha tina Jesure.

5 Jesu õ sehe ni yũhtiha:

—Noano yoaga mũsa. Tuhsũ, paina ti mahñoare tũhoena tjiga mũsa. 6 Payũ masa “Cristo jija yũhũ”, ni mahñoina taahca. Ti ã mahñochũ tũhoa payũ masa Cohamacũ yare duhuaahca.

7 Mũsa cahacãi masa paina ti cahma wajãchũ tũhonahca mũsa. Tuhsũ, yoaropũ cũhũre ti cahma wajãchũ tũhorocanahca mũsa. ã tũhorocapanahca ne tíre pjíro tũhotuena tjiga. ã waharohca. Ti ã yoachũ pihtiri dacho cjihto dũhsasininohca mini. 8 Tí pjare cũ yahpa macaina pa yahpa macaina mehne cahma wajãahca. ã yoa cũiro pũhtoro yaina paio pũhtoro yaina mehne cahma wajãahca. Tuhsũ, pjaró yahpa ñuhminohca. ã yoa payũ masa jũca mehne yariaahca. To ã wahachũ ahri yahpa macainare ti ñano yũhdũ namohto dũhsasinina mini. Ñano yũhdũsiniahca.

9 To ã wahachũ ñũna mũsa basi noano yoaga. Paina mũsare ñaha, ñano yoa dutia waahca paina pũhtoapũre. ã yoa judio masa mari buhea wuhusei mũsare cjãahca. Ti ã yoachũ bujũa macari macaina pũhtoa, ti bui pũhtoa cũhũ mũsare buhiri dahrea taa sinituahca mũsare. Yũ yaina mũsa jiri buhirire paina mũsare yahusãhca. ã jina yare yahunahca mũsa tinare. 10 ã jia pihtiri dacho pano noaa buheare jipihtiro yahpari macainare yahua buhea jahca. 11 ã jina mũsare buhiri dahre dutia, buhiri dahre dutiriro cahapũ ti naachũ tirore mũsa nihtire “Yahu masieraboca”, ni tũhotuena tjiga mũsa. Tí pjare mũsa nihtire mũsare Espíritu Santo yahurohca. To ã yahurire yahuga mũsa. Mũsa mũ sũro durucusi mũsa. Espíritu Santo sehe mũsare durucubasarohca. 12 Tí pjare cũiro to bahũrore wajã dutiro warohca. Pairo sehe to wahminore wajã dutiro warohca. Ti pũcũro to pohñare wajã dutiro warohca. ã yoa ti

pohna sehe ti p̄c̄s̄m̄are wajā dutia waahca. **13** Ȳu yaina m̄sa jiri buhiri m̄sare masa jipih̄tina ñ̄u tuhtiaha. Ā ñ̄ano ȳhd̄p̄anahta ȳu yare m̄sa ne coh̄erach̄u pihtiri dacho jich̄u m̄sare ȳhd̄oiha.

14 Ā yoa ñ̄abiarire Cohamac̄u yare ñ̄ano yoarire ñ̄nahca m̄sa. Cohamac̄u ya w̄h̄ūi to ducuch̄u ñ̄nahca. Tóí tire jieraro cahmana. [Panop̄u Cohamac̄u yare yahu m̄htariro Daniel cjiro tire yahuro joaa tiha.] Tóí to ducuch̄u ñ̄na Judea yahp̄ap̄u jiina t̄yuc̄p̄u duhti m̄roca m̄jaa wahajaro. Ahri ȳu nirire noano masiga m̄sa. **15** Soaro mehne m̄roca duhtijaro. Tí pjare ti w̄h̄useri bui macaa waparip̄u jiina w̄h̄ū puhichap̄u jiare ti yare na wahaeta t̄jijaro ti waha bahrañohto sehe. **16** Ā jia tí pjare paina ti weserip̄u jiina ti bui macaa suhtire w̄h̄p̄u jia suhtire na wahaeta t̄jijaro ti waha bahrañohto sehe. **17** Tí pjare niji pocosanumia, ti pohnare p̄ia numia c̄h̄u pjac̄oro wahaahca. **18** Ā jina õ sehe ni siniga Cohamac̄ure: “Puh̄iro jich̄u ā wahaero t̄jijaro”, ni siniga tire. **19** Tí dachorire masa nu ñ̄ano wahaahca. Ahri yahpare to bajuamehneri baharo masa ñ̄ano ti ȳhd̄na jia tiha. Ti ā jipach̄eta jipih̄tia tí pur̄ia ȳhd̄oro pihtiri dacho jich̄u masa ñ̄abiaro ȳhd̄uahca. Ā ñ̄ano ti ȳhd̄uri baharo pari turi tó sehe ñ̄abiaro ȳhd̄usi ahri yahpai j̄na. **20** Ā jiro Cohamac̄u tí dachorire mahaa dachoric̄a ti jich̄u yoarohca. To ā yoerach̄u ne c̄iuro mas̄no ȳhd̄eraboa. Ā jiro to beserina ti ȳhd̄uhti c̄jih̄tire mahaa dachoric̄a ā c̄usinohca Cohamac̄u.

21 Tí pjare paina m̄sare “Ñ̄uga. Ōi jira Cristo”, ti nich̄u tinare t̄hoena t̄jiga. “Tóí jira Cristo”, ti nich̄u c̄h̄ure t̄hoena t̄jiga. **22** “Cristo jija”, ni mah̄noia, “Cohamac̄u yare yahu m̄htaina jija”, ni mah̄noia jahca tí pjareta. Ā jia Cohamac̄u to beserinare mah̄noa, tina bajuamehneare yoa ñ̄oahca. Ti ā yoa ñ̄och̄u ñ̄na, Cohamac̄u yaina c̄aina tinare t̄hoeta “Potoc̄a t̄jira” nia, Cohamac̄u yare pa tehe nia duhuboca. **23** Ahrire yahuyuja m̄sare to ā wahahto pano. Ā jina noano yoaga m̄sa —ni yahua Jesu.

Jesu yahp̄ap̄ure to t̄jua tahtore yahua

(Mt 24.29-35, 42-44; Lc 21.25-36)

24 Ā ni tuhs̄u õ sehe ni yahu namoha Jesu:

—Tí dachori ti ñ̄ano ȳhd̄uri baharo s̄u dacho macariro, ñ̄ami macariro c̄h̄u buhria duhua wahaahca. **25** Ti ā wahach̄eta

ñahpichoha poca muanopu jia poca bora wahaahca. Ñ jia muanopu macaa yahpari tuaro ñuhmiahca. **26** Tí pjata yuhu masano Cohamacu warocariro taihtja. Yu ã tachu muanopu yu tuaa mehne yu si sitea mehne muanopu macaa me bui ahri yahparure yu tjua tachu ñahca masa. **27** Ñ jicu yu yaina anjoare jipihtiorpu ahri yahparu warocaihtja. Ñ jia jipihtiorpu yu yaina yu beserinare tina naahca.

28 Mipure higueraçure tahotuga musa. Tu quiti mehne musare piti dahre buheihtja. Tu yucucu pûri tichu ñuna, cûhma mahanocã dâhsachu masina musa. **29** Tó seheta ahri jipihtia yu niri cjirore ti ã wahachu ñuna, yu tjua tahto mahanocã dâhsachu masinahca musa. **30** Potocã niita nija musare. Tí pja macaina ti yariahto panore jipihtia yu niriro seheta ã waharohca. **31** Muanopu, ahri yahpa cûhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

32 Tí dachore yu tjua tahti dachore, tí hora cûhure masieraja yuhu. Anjoa cûhu tíre masierara. Masa cûhu ne masierara. Yu Pucu dihta tíre masina.

33 Musa cûhu tí dachore masierara. Ñ jina noano yoaga. Noano cohtaga. (Cohamacure siniga musa.) **34** Ñ sehe cohtaga musa. Ahri quiti mehne musare piti dahre buheihtja. Wuhu puero yoaropu to tinino seheta jira ahri. Tiro to wahahto pano to cahamacare wuhure cohta dutiha. Cãinare ti dahrahtire cûha. Ñ jiro wuhure ñu wihborirote tirore to tjua tahtore cohta dutiha. **35** Ñ jina musa cûhu noano wacû masi cohtaga. Wuhu puero to tjua tahtore tina ti masieraro seheta yuhu musa puhtoro yu tjua tahti dachore masierara musa cûhu. Ñamichahapu, ñami dacho macapu, caraca to duri pja jichu, bohrearopu taboca. **36** Yu ã wacûenoca yu wihitore masina, yu yare ã yoarucuina jiga musa. Ñ yoa yuhure noano cohtaga. **37** Ñ jicu musare yu nino seheta jipihtinare ã nija musare: Noano wacû masi cohtaga —niha Jesu tinare.

**Sacerdotea puhto, judio masare buheina
mehne Jesure wajã duaha**

(Mt 26.1-5; Lc 22.1-2; Jn 11.45-53)

14 ¹ Ñ yoa tí pjare pascua wama tiri bose namu cjihto bucuaerari paore ti chuhti numari cjihto pu dacho dâhsasiniha. Tí pjare sacerdotea puhto, ã jichu sã coyea

judio masare buheina mehne dohse yoa ti mahñoa mehne Jesure ñaha ti wajãhtore cahma sũhũdua niha:

2 —Mari bõse nãmãri yũhdoro puro tirore ñahasiniena tjijihna, “Masa sua sañurucuri”, nina —niha tina ti basi.

Numino me sitia se mehne Jesure pio payoha

(Mt 26.6-13; Jn 12.1-8)

3 ã yoa Jesu cũhũ Betaniapũ, Simo cami bũcũ baariro cjiro ya wũhũpũ jiha. Tõpũ ti chũro watoi numino sehe alabastro mehne ti yoariare me sitia nardo wama tia sere posa tiriare na wihiha. Tí se sehe wapa bũjũ niha. ã na wihiro, ticoro tiare poharoca, Jesu dapu bui pio payoha. 4 To ã yoachũ ñũa paina suaa waha, ti basi õ sehe niha:

—¿Dohse yoaro ahricoro ahri me sitia co wapa bũjũare ã yoa sitejari? 5 Tíre ticoro duaboa. Tíre duaro tres cientos niñeru pũrine wapataboa. ã wapataro, tí niñerure pjacuoinare waboa ticoro —ni cohtaha paina sehe ticoro to ã yoachũ ñũa.

ã jia tina ticorore tuhtiha.

6 Tí ã nichũ tũhoro Jesu tinare õ sehe ni yahuha:

—ã niena tjiga ticorore. Yũhũre ticoro noano yoaro nina. 7 Pjacuoina sehe mũsa mehne ã jirucuahca. ã jina mũsa cahmari pja tinare wa masina. Yũhũ sehe ahri yahpare mũsa mehne ã jirucusi. 8 To cjuaro puro mehne ticoro yũhũre ã yoahre. Yũhũre ti yahto pano yũ pjacure cahnoyuro, me sitiare pio payohre ticoro. 9 ã jicũ potocã niita nija mũsare. Jipihtiro ahri yahpapũ noaa buheare ti yahuropũ ahricoro mipũre to yoarire yahuahca. Tí ã yahuchũ tũhoa ticorore masa payũ wacũahca —ni yahuha Jesu.

Juda Iscariote Jesure ñũ tuhtiinare to ñõhtore yahuha sacerdotea pũhtoare

(Mt 26.14-16; Lc 22.3-6)

10 Tí pjareta Juda Iscariote wama tiroiro doce to buheina mehne macariro Jesure to ñõhtire yahuro wahaha tirore ñũ tuhtiinare, sacerdotea pũhtoare. 11 To ã ni yahuchũ tũhoa, sacerdotea pũhtoa tíre tũhoa wahcheha.

—Mũhũre niñerure wanahtja —niha tina Judare.

Tí ã nichũ tũhoro, tiro Jesure ñũ tuhtiinare to dohse yoa ñõhto cjihtore wacũ macaha.

Jesu to buheina mehne to chũ batoari nũmũ jiha
(Mt 26.17-29; Lc 22.7-23; Jn 13.21-30; 1Co 11.23-26)

12 Bũcũaerari pãore ti chũa nũmũri dũcari nũmũ sehe oveja pascua macaina cjihtire ti wajãhti nũmũ jiha. Tí nũmũ to buheina sehe õ sehe ni sinitu ñũha Jesure:

—¿Mari pascua macaa chũhtire noho baroi cahnoyu dutirocaijari mũhũ sãre? —niha tina tirore.

13 Ti ã nichũta Jesu sehe pũaro to buheinare õ sehe ni yahu warocaha:

—Jerusalẽpũ wahaga. Tópũ mũsa sũchũ co situ wũariro mũsare piti bocarohca. To piti bocachũ tiro mehne wahaga. 14 ã wahana tiro to sũho sãari wũhũpũ sũna, tí wũhũ pũrore õ sehe niga: “¿Dí tahtiai yũhũ yũ buheina mehne pascua macaa chũare chũnahcari?” ni sinitu dutirocahre buheriro”, niga tí wũhũ pũrore. 15 Mũsa ã nichũ tũhoro, tópũ mũano macari tahtiare pjiri tahtiare, noano ti cahnoyuri tahtiapũre mũsare ñonohca wũhũ pũro. Tói mari chũhti cjihtire dahrega mũsa —niha Jesu tinare.

16 To ã nichũ tũhoa tina to buheina tí macapũ wahaha. Tópũ ti sũchũ tinare to niriro seheta ã wahaha. ã jia tina pascua macaa chũare dahreha.

17 ã yoa nahitia bora tachũ Jesu doce to buheina mehne tí wũhũpũre sũha. 18 Tí wũhũpũ ti sũri baharo, tina mehne mesapũ chũro Jesu tinare õ sehe ni yahuha:

—Potocã niita nija mũsare. Cãiro mũsa mehne macariro yũhũ mehne chũrirota yũhũre ñũ tuhtiinare ñonohca yũhũre —ni yahuha Jesu tinare.

19 To ã nichũ tũhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

20 —Mũsa mehne macarirota jira tiro. Yũ chũri wapai yũhũ mehne soha chũriro tjira yũhũre ñũ tuhtiinare ñohtiro. 21 Panopũ yũhũre ti yahu joariro seheta yũhũ masũno Cohamacũ warocariro yariailhca. Yũhũre ñũ tuhtiinare ñoriro pjacũoro yũhdũrohca. Tiro to masa bajuerachũ noaboa —niha Jesu tinare.

22 ã ni yahu tuhsũ, to buheinare sũho chũro, Jesu pãore na, Cohamacũre “Noana”, niha. ã ninota, tí curire nuha, witiha tinare.

—Ahrire na chuga. Ahri yu pjacu jira —niha tiro tinare.

23 Æ ni tuhsu tiro sihnia posa tiri wahware na, Cohamacuere “Noana” ni tuhsu, waha tinare. To wachu tina jipihtina tîre sihni pihtiaha.

24 —Ahri yu di jira. Payu masa ti ñaa yoari buhirire cohâcu tacu yariaihca. Æ yariacu yu dire cohâihca. Cohamacu “Mûsare yûhdoihtja”, to ni cûriro mu sûchu yu ã yariaro mehne to niriro sohtori tirohca. 25 Potocã niita nija mûsare. Mîpûre ahri co, se core ne sihni namosi yûhu. Pû pûhtoro Cohamacu mûsare to sûho jichûpû ahrire coã pari turi sihniihca tjoa —niha Jesu tinare.

Pedro Jesure to cohâhtore yahuha Jesu

(Mt 26.30-35; Lc 22.31-34; Jn 13.36-38)

26 To ã ni tuhsûchu tina Cohamacuere ño payoa cûno basaare basaha. Ti basa pahñori baharo, tûcu Olivo wama tidûpû tina wahaahahaha. 27 Tôpû sûho sûro Jesu tinare õ sehe ni yahuha:

—Mîpûre mûsa jipihtina yûhûre cohânahca. Õ seheta nina Cohamacu yare ti joari pûi yûhûre yahuro: “Ovejare ñu wihboriro yoaro sehe jirirore Cohamacu cohânohca. Æ to cohâchu to yaina oveja yoaro sehe jiina duhti site wahcãa wahaahca”, nina Cohamacu yare ti joari pûi. 28 Æ yoa Cohamacu yûhûre to masori baharo mûsa pano Galileapû wahayuihca yûhu —niha Jesu tinare.

29 To ã nichu Pedro sehe õ sehe niha:

—Yûhu mehne macaina jipihtina ti cohâ wahcâpachûta yûhu sehe mûhûre ne cohâsi —nimaha Pedro tirore.

30 Jesu õ sehe ni yûhtiha:

—Potocã niita nija mûhûre. Micha ñami pinihtare caraca pûa taha to duhto pano “Yûhu Jesure masieraja”, niihca mûhu. Tia taha ã niihca mûhu —niha Jesu Pedore.

31 To ã nipachûta Pedro õ sehe ni tuaro bisiro yûhtiha:

—Mûhu mehne yûhûre ti wajã duapachûta “Jesure masieraja”, ne nisi yûhu —ni yûhtimaha tiro Jesure.

Pedro to ã nichu tûhoa tiro mehne macaina cûhu ã dihta ni yûhtiha.

Getsemaní wama tiropu Jesu Cohamacure siniha

(Mt 26.36-46; Lc 22.39-46)

32 Ñ yoa tina Getsemaní wama tiropu wahaha. Tópu suro, ñ sehe niha Jesu:

—Cohamacure yu sinino watoi ñi dujiyusiniga musa —niha to buheinare.

33 Ñ ni tuhsu Pedrore, Santiagore, Joãore tina tiarore pji wahcãha. Tinare ñ pji wahcãno, pjíro tuhoutu dũcaha tiro. Ñ yoa ñano yajeripohna tiha.

34 Ñ cahyaro tó mehne macainare to pji wahcãinare ñ sehe niha:

—Yũhu ñano yajeripohna tii nija. Ñano purĩnore tuhoutu nija. Tí mehne yariahto cua yũhũaro coa taca yũhũre. Ñi tjuaga. Yu cũno potoriga catiga musa cũhu —niha Jesu tinare.

35-36 Ñ ni tuhsu tiro tópu mahanocã waha namo, yahpai caha suro, Cohamacure ñ sehe niha:

—Mai, mũhu jipihtiare yoa masina. Ñ jicu yu ñano yũhũhtire yoa duaeracu yoi tja. Yu ñ nipachũta yu cahmano sehe yoi tja. Mũhu sehe masina. Mu cahmano seheta yoaga yũhũre —ni siniha tiro Cohamacure.

37 Ñ ni tuhsu, tiaro to buheina cahapu wihiro, carĩinare boca wihiha tiro. Tinare ñno Pedrore ñ sehe niha:

—Simo, ¿carĩi nijari mũhu? ¿Cũ hora waro yu cũno potoriga cati masierari mũhu? 38 Noano yoaga musa. Musa mu suro quihõno yoa duamana musa. Wiho mejeta musa basi tíre bihoerara. Ñ jina Cohamacure siniga ñano musa yoerahto sehe —niha Jesu Pedrore.

39 Ñ ni yahu tuhsu pari turi waha, Cohamacure siniha. Tó pano to siniriho seheta siniha tjoa. 40 Ñ sini tuhsuro pari turi tina cahapu wihiha tjoa. Ñ wihiro carĩinare boca wihiha tjoa. Wũjo caha yũhũaha tina. Ñ jia tina Jesure dohse ni masieraha. 41 Ñ yoa pari turi Cohamacu mehne to durucuro sũri baharo tina cahapu wihi, tinare ñ sehe niha:

—¿Carĩ, sosinina nijari musa? Tó puro carĩga musa. Michapucacã yũhũre Cohamacu warocarirore ñano yoainare ti wahti pja mu su tuhsura. 42 Wahcãga. Basa wahana. Ñũga. Yũhũre ñ tuhtiinare ñohtiro ñi tara —niha Jesu tinare.

Jesure ñu tuhtiina tirore peresu yoaha

(Mt 26.47-56; Lc 22.47-53; Jn 18.2-11)

43 To ã nino watoihita Juda, doce buheina mehne macariro cjiro wihiha. Tiro mehne masa payu ñosaa pjĩni, yucu siri cjuaina cũhu wihiha. Sacerdotea pũtoa, sã judio masare buheina, ã jichu bucuna, ti warocarina jiha masa sehe.

44 Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. Ñ yoana tirore noano ñahaga to duhtierahto sehe —ni yahu quihõ tuhsuha Juda sehe.

45 Ñ yahu quihõ tuhsuro wihirota Jesu cahapu dóihita waha bahrañoa.

—Yu pũtoro —ninota wahsupu wihmiha tirore.

46 To ã yoachu ñua tina Jesure ñahaha.

47 Ti ã yoachu ñuno cũiro Jesu cahapu ducuina mehne macariro to ñosari pjĩne tuawe naroca, sacerdotea bui pũtoro cahamacunore to cahmonore dute pahrēnocaha.

48 To ã yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucunore musa ñahano seheta yuhu cũhure ñahana tana nijari? 49 Dachoripe Cohamacu wuhupu musare yu buhe dujichu, musa yuhure ne ñahaerare. Musu ã ñahachu ahri jipihtia ã waharo nina Cohamacu yare ti ni joariro seheta —niha Jesu masare.

50 To ã ni tuhsuchu, Jesu buheina tirore cohã wahcã, jipihtina muroca site wahcãa wahaha.

51 Ñ yoa cũiro wahmuno suhti marieriro cūno coma yosaro dihta comariro Jesu baharo ñu nunu timaha. To ã ñu nunu tichu ñua tirore ñahamaha. 52 Tirore ti ñahachu ñuno to coma yosarore cohānoa, suhti marieriro murocaa wahaha.

Pũtoa cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

53 Ñ yoa sacerdotea bui pũtoro cahapu Jesure na wahcãha. Ti na suri baharo sacerdotea pũtoa, bucuna, sã coyera judio masare buheina cũhu jipihtina cahmachuha. 54 Tiro Pedro sehe Jesu baharo yoropu nunu tiha. Ñ nunu tiro sacerdotea

bui pũtoa ya wũhũ cahapũ sũha. ã sũro tiro tí wũhũre cohtaina surara mehne pichaca dũhtũ cahai sohma dujiha.

55 Sacerdotea pũtoa, jipihtina paina pũtoa cũhũ Jesure wajã dutia taa, Jesu to quihõno yoerarire ti yahusãhtire wacũ macamaha. Wiho mejeta tíre bocaeraha.

56 ã wacũ bocaerapahta payũ masa tiore ã yahusãmacanocaha. Ti ã yahusãa potocã jieraha. Pairo soro ni, paio soro niha. 57 ã yoa paina wahcãrũcũ sũ, Jesure õ sehe ni yahusãha tjoa:

58 —Ahriro õ sehe nire: “Yũhũ ahrĩ wũhũre Cohamacũ wũhũre masa ti dahreri wũhũre cohãihtja. ã cohãcũ tia nũmũ wahaboroi tí wũhũre pari turi yoaihtja. Tí wũhũ masa ti dahreri wũhũ jisi”, to nichũ sã tũhohi —niha tiore yahusãina.

59 Ti ã ni yahusãpachũta ti yahusãa cũhũ potocã jieraha. Pairo soro ni, paio soro niha tjoa.

60 Ti ã nichũ tũhoro sacerdotea pũhtoro ti watoi ducuriro wahcãrũcũ sũ, Jesure õ sehe ni sinituha:

—¿Ahrina mũhũre ti yahusãpachũta tinare yũhti cahmaerajari mũhũ? ¿Mũhũre ti yahusãrĩre dohse ni yũhti cahmajari mũhũ? —niha tiro Jesure.

61 To ã nichũ tũhoparota Jesu ãta tũhotunocaha. To ã yũhtierachũ ñano sacerdotea bui pũhtoro tiore sinituha tjoa:

—Cristo, ¿Cohamacũ warocarirota jijari mũhũ? ¿Noariro Cohamacũ macũno warota jijari mũhũ? —niha tiro Jesure.

62 —Tiro tjija. ã jina yũhũre masũnore Cohamacũ warocarĩrore yũ Pũcũ jipihtina bui Jiriro to poto bũhũsehei yũ dujichũ ñũnahca mũsa. ã yoa mũano macaa me watoi yũ tachũ cũhũre ñũnahca mũsa —niha Jesu tiore.

63-64 To ã nichũta sacerdotea bui pũhtoro sehe to sãari suhtĩrore to basi tũhrẽnocaha painare “Sua yũhdũara”, ni ñũ masi dutiro.

—Cohamacũre ñano durucuro nina ahriro. To ñano durucuarẽ tũho tuhsũja mari. ã jia tópeinata yahusãjaro ahrĩrore. ¿ã jina dohse yoanahcari mari mipũre ahrĩrore? —niha sacerdotea bui pũhtoro paina pũtoare.

—Cohamacũre to ñano durucuri buhiri wajãnocano cahmana tiore —ni yũhtiha paina pũtoa.

65 ã ni yũhti tuhsũ, cãaina tina mehne macaina Jesure chahcho puti sihõ mũja, to caparĩre dũhte dũcata, tiore cjã, dota mũjaha. Cjã tuhsũ õ sehe ni bũjũpeha:

—¿Noa jijari mũhũre dotaro? Ñũerapaihta yahuga sãre
—ni bũjupeha tina.

Ti ã cjã dotari baharo pũhtoro yaina surara sehe tirore na
wahcã, tina cũhũ tirore ti wamomacari mehne ñano cjã namoha.

“Tirore masieraja”, niha Pedro Jesure

(Mt 26.69-75; Lc 22.56-62; Jn 18.15-18, 25-29)

66 ã yoa wũhũ cahai jiri wapai noari wapai Pedro to jichũ
sacerdotea bui pũhtoro cahamacono wihiha. 67 Ticoro Pedro
to sohmachũ ñũno tiro dihtare ñũrucuha.

—Nazare macariro mehne, Jesu mehne mũhũ cũhũ jihre
—niha ticoro Pedrose.

68 To ã nichũ tũhoro tiro õ sehe niha:

—¿Dohse nimacanocaco nijari mũhũ? Mũ nirirore ne
masieraja yũhũ —niha Pedro ticorore.



To ã niri baharo Pedro sahrĩno sopaca macari maharũ wahaha. Tói to ducuchũ caraca duha. **69** Tói to jichũ ñũno cahamacono sehe ticoro caharũ ducuinare yahurocaha tjoa.

—Ahrĩo cãhũ Jesu buheina mehne macariro jira —niha ticoro.

70 To ã nichũ tũhoro Pedro pari turi õ sehe niha tjoa:

—Tirore masieraja yũhũ —niha tjoa.

Baharo curero tói ducuina Pedore õ sehe niha:

—Potocã tjira. Mũhũ Galilea macariro jira. ã jicũ tina mehne macarirota jira mũhũ —niha tina tirore.

71 Ti ã nichũ tũhoro tiro õ sehe ni yũhtiha:

—Potocãta Cohamacũ mehne nii nija mũsare. Potocãta yũ nierachũ Cohamacũ yũhũre buhiri dahrejaro. Tirore mũsa nirirore ne masieraja yũhũ —ni yũhtiha Pedro tinare.

72 To ã nichũta caraca duha tjoa. To ã duchũ tũhoro Jesu tirore to nirire wacũha: “Caraca pũa taha to duhto pano mũhũ yũhũre ‘Jesure masieraja’, niĩhca mũhũ. Tia taha ã niĩhca mũhũ”, Jesu to nirire wacũha Pedro sehe. To ã nirire wacũno, tuaro tiirucuha Pedro.

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

15 ¹ ã yoa bohrearopũ sacerdotea pũhtoa, bũcũna, sã judio masare buheina, jipihtina paina pũhtoa mehne cahmachu, durucuha Jesure ti yoahĩre masia taa. Tirore ti wajãhtore durucu cahno tuhsũ, Jesure dũhte, na wahcã, Pilatore waha tirore. ² Tirore ti na sũ wachũ ñũno Pilato tirore õ sehe ni sinituha Jesure:

—¿Potocãta judio masa ti pũhtoro tjijari mũhũ? —ni sinitu ñũha tiro Jesure.

—ãja. Mũ nino seheta tirota jija —ni yũhtiha Jesu.

³ ã yoa sacerdotea pũhtoa payũ ni yahusãha tirore. ⁴ Ti ã ni yahusãchũ tũhoro Pilato tirore õ sehe ni sinituha tjoa:

—Ahrina mũhũre payũ yahusãa nina. ¿Ti ã yahusãpachũta dohse yoacũ ne yũhtierajari mũhũ tinare? —niha tiro.

⁵ To ã nipachũta Jesu ne pari turi yũhti namoeraha. ã jiro Pilato cũaa wahaha.

Jesure wajã dutiha

(Mt 27.15-31; Lc 23.13-25; Jn 18.38-19.16)

6 Cũhmaripe pascuaripe masa yairo cjihtore cũiro peresupũ jirirore, masa ti wio dutirirore Pilato ã wiobasa mũjaa tiha.

7 Tí pjare Barrabá wama tirore peresupũ jiha. Tiro pũhtoare cohã duaina, masare wajãina mehne macariro jiha. 8 ã jia masa payũ Pilato cahapũ sũa, tirore õ sehe ni siniha:

—Cũhmaripe sãre mũ yoarucuriro seheta yoaga sãre. Cũiro peresupũ jirirore sãre wiobasaga —niha tina.

9 Ti ã nichũta Pilato tinare õ sehe ni sinitu ñũha:

—¿Ahiro Jesure mũsa judio masa pũhtoro yũ wiobasachũ cahmajari mũsa? —ni sinitu ñũha masare Jesure wio duaro.

10 Jesure masa ti cahĩchũ ñũa sacerdotea pũhtoã cũhũ tirore ñũ tuhtiha. ã ñũ tuhtia tirore waha Pilatopũre. ã jiro masa ti cahĩri buhiri sacerdotea pũhtoã ti ñũ tuhtirire ti peresu yoa dutichũ masino Jesure wio duamaha Pilato. 11 To ã wio duapachũta sacerdotea pũhtoã masare Jesu mehne suachũ yoaha. Õ sehe ni dutiha tinare: “Jesu wijaachũ cahmaeraja. Barrabá sehere wioga”, ni dutiha masare. 12 ã jiro Pilatore Barrabáre ti wio dutiri baharo Pilato sehe tinare õ sehe ni sinituha tjoa:

—¿Ahiro judio masa ti pũhtoro mũsa niriro sehere dohse yoaihcarĩ yũhũ mũsa ã nichũ? —ni sinituha tiro.

13 —Crusapũ cjã puha wajãga tirore —ni sañurucuha masa.

14 —¿Yaba barore ñaare yoari ahiro mũsa ã ni sañurucuchũ? —ni sinitu namoha tinare.

To ã nichũ tũhoa tina sañurucu namoha tjoa:

—Crusapũ cjã puha wajãga tirore —ni sañurucuha tina.

15 Ti ã ni sañurucuchũ tũhoro Pilato sehe masare wahchechũ yoa duaro Barrabáre peresupũ jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusapũ cjã puha wajã dutiro.

16 ã yoa surara Pilato ya wũhũ puhichapũ pretorio wama tiri wũhũ puhichapũ tirore na sãa sũha. Na sãa sũ tuhsũ, tina mehne macaina surarare pjiroca, cãnoi cahmachu dutiha.

17 Cahmachu tuhsũ, tina pũhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. 18 ã yoa tuhsũ õ sehe ni bũjũpeha tina tirore:

—Noano tagú. Judio masa pũhtoro noano tagú —ni bũjũpeha.

19 Ñ niata yucũcũ mehne to dapure cjã mũja, tirore chahcho puti sihõ mũjaha tina. Tuhsũ, cua pisaro yoaina yoaro seheta tirore na tuhcuca caha sũ, ño payoro sehe yoaa, bũjũpeha tirore.

20 Ñ yoa bũjũpe tuhsũ ti sãari suhtirore tjuwe naroca, to ya suhti sehere tirore sãa, tirore crusapũ cjã puha wajãa waha, naa wahaha tina.

Tina Jesure crusapũ cjã puha, wajãha

(Mt 27.32-44; Lc 23.26-43; Jn 19.17-27)

21 Jesure ti ã naano watoi, tõi wahariro Simo Cirene macariro campopũ sũriro, tina cahapũ to wihichũ ñũa surara sehe tirore Jesu to wũari crusare wũa wahcã dutiha. Alejandro, Rufo pũaro pũcũro jiha Simo sehe.


22 Baharo, Gólgota wama tiropũ Jesure na sũha. Gólgota nino, “Dapu cohã”, nino nina. 23 Tópũ tirore ti na sũri baharo, se core, mirra wama tidũ co mehne ti morea core Jesure wamaha. Wiho mejeta tiro sehe tí core sihni duaeraha.

24 Baharo tina Jesure crusapũ cjã puha dapoha. Cjã puha dapu tuhsũ, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mũjaha tina.

25 Jesure crusapũ ti cjã puhachũ tia hora waro dũhsasiniha cohari pja to sũhto. 26 Ñ yoa crusapũ õ sehe ni joari pjĩne duhu õha tina tirore ti yahusãrire yahu duaa. “Ahriro judio masa bui pũhtoro jiriro jira”, ni joaha tina tí pjĩne. 27 Ñ yoa pũaro yaca bũcũna Jesu cahai paye pjĩnipũ crusaripũ ti cjã puha daporina jiha tina. Cũiro to poto bũhũsehei, paio to cõ bũhũsehei cjã puha dapoha tina cũhũre. 28 [Ti ã yoachũ panopũ Cohamacũ yare ti yahu joariro seheta ã waharo niha. Ñ sehe ni joaa tiha: “ ‘Dutiare yũhdũrucaina mehne macariro jira’, ni tũhoture masa tirore”, ni joaa tiha panopũ.]

29 Ñ yoa crusari cahai yũhdũ wahcãina Jesure ñũ, ti dapu pocare yurerũca, tirore ñano ni durucuha:

—Noana. Noana. ¿Cohamacũ wũhũre cohã, tia dacho wahaboroi pari turi tí wũhũre dahrehtiro jijari mũhũ? 30 Ñ jiriro jicũ, mũ basi dujiaga. Ñ jicũ mũ basi yoadohoga. Ñ jii yũhdũ witiihca mũhũ —ni bũjũpeha tina.



31 Ti yoaro seheta sacerdotea pũhtoa cũhũ sã judio masare buheina cũhũ tirore ã ni bũjũpeha. ã ni bũjũpea õ sehe niha ti basi:

—Tiro painare yũhdoriro jiparota to basi yũhdo masierara:
32 “Cristo, Cohamacũ warocariro Israe masa pũhthora jija”,
nimana tiro. ã jina to basi to duji tachũ ñũna tirore wacũ
tuana hca —ni bũjũpeha tina.

ã yoa yaca bũcũna tiro cahai ti cjã puha õrina cjiri cũhũ tó
seheta tirore ñano ni bũjũpeha tina cũhũ.

Jesu yariaa wahaha

(Mt 27.45-56; Lc 23.44-49; Jn 19.28-30)

33 ã yoa cohari pja jichũ tia hora waro jipihtiropũ nahitiano
wahaha. 34 To nahitia duhuchũ waro Jesu tuaro sañurucuha:

—Eloi, Eloi, ¿lama sabactani? —niha tiro.

ã nino õ sehe nino niha. “Yũ Cohamacũ, yũ Cohamacũ,
¿dohseacũ yũhũre cohãri mũhũ?”, nino niha.

35 To ã nichũ tũhoa cãina tói ducuina õ sehe nimaha:

—Tũhoga mũsa. Cohamacũ yare yahu mũhtarirore Elia
cjirore pjirocaro nina —nimaha tina.

36 Ñ jiro cūiro tina mehne macariro wihmi nari sũhtere vino sũea core to sohari sũhtere na mũroca, yucũcũ sohtoapũ dũhte õ, Jesure wihmi dutiha. Ñ wihmi dutiro, õ sehe nimaha:

—Depũsinia. Elia cjiro wihi ahrirore to na bororo tachũ ñũsinijihna mari —nimaha tiro painare.

37 To ñ niri baharo Jesu sehe tuaro sañurucu, yariaa wahaha. 38 To yariachũta Cohamacũ wũhũ macari suhtiro tũro to jiri tahtia waropũ ti dũcatari suhtiro dacho macai bui sehe tũhnũ bora ta, pũa cahsaro tũhnũroca yoja sũa wahaha. 39 To ñ yariachũ ñũno surara pũhtoro Jesu to wahãno potoi ducuriro õ sehe niha:

—Potocã tjiri jimana. Ahriro Cohamacũ macũnota jiri jira —niha tiro.

40 Ñ yoa yoaropũ ducua numia cũhũ Jesure ñũrocarucua niha. Tí numia mehne María Magdalena jiha. Pacoro María wama tiricoro cũhũ jiha. Ticoro sehe José, to bahũro Santiago ti pocoro jiha. Pacoro Salomé jiha. 41 Tí numia Jesu yahuare quihũno tũhoa numia jia, Galilea yahpai to jisnichũ tirore piti ti, yoadohoa tiha. Tí numia mehne payũ paye numia cũhũ Jerusalẽpũ Jesu to sũho tarina numia jiha.

Jesu pjacũre masa copapũ cũha

(Mt 27.57-61; Lc 23.50-56; Jn 19.38-42)

42-43 Ñ yoa tí dacho to yariari dacho Sabado pano judio masa sã sori nũmũ pano jiri dacho jiha. Ñ yoa Pascua macaa cjihtire ti cahnoru dacho jiha. Tí ñamiihta José Arimatea macariro cuiro marieno Pilato cahapũ sũha Jesu pjacũre sinino sũro. José judio masa sã pũhtoa mehne macariro, pũhtoa ti cua pisaro ñũriro waro jiha. Tiro pũhtoro Cohamacũ masare to sũho jihtore cohtaro niha. 44 Ñ yoa José Pilatore to ñ sinichũ tũhoro, tũho cũaa wahaha Pilato sehe. “¿Jesu yaria tuhsũari?” ni tũhoturo, cũaa wahaha. Ñ jiro surara pũhtorore pjiroca õ sehe niha tirore:

—¿Potocãta Jesu yariaa wahari? —ni sinituha tirore.

45 To ñ nichũ surara pũhtoro õ sehe ni yũhtiha:

—Ñja. Yariaa wahahre —niha.

To ñ nichũ tũhoro, Pilato Jesu pjacũre wa dutiha Josére.

46 To ñ wa dutiri baharo José noari suhtirore nuchũbasaha. Nuchũbasa tuhsũ, Jesu pjacũ cjirore na boro, suhtiro mehne wahma, masa copapũ tãcai ti sahari copapũ to pjacũre siõ sãa

payoha. Siō sãa payo tuhsu, tí copa cahai jiria tãcare pjiria tãcare tju turẽ wahcã, tí copare biha dapoha. ⁴⁷ María Magdalena, ã jichu María José pocoro Jesure ti na sãa duhu payorirore ñuha.

Jesu masa wijaaha

(Mt 28.1-10; Lc 24.1-12; Jn 20.1-10)

16 ¹ Ñ yoa Sabado dacho yũhduri baharo, sũ sãari baharo, María Magdalena, Salomé, ã jichu María Santiago pocoro, tina tiaro numia wisõa me sitia core nuchuha Jesu pjacure wisõa taa. ² Ñ jia domingo bohrea mũa tachu Jesure ti duhu payori coparu ñua wahaha tina. ³ Tí copa caharu waharucua, õ sehe niha tina ti basi:

—¿Tí copare bihari tãcare noa marine pjõobasarohcari na? —niha tí numia ti basi.

⁴ Baharo tí copa caharu sũa, tí copare bihari tãcare, pjiria tãcare ti nawe cũriare ñuha tina. ⁵ Ñ ñua tí coparu sãa wahaha. Tõru sũa, cũiro wahmũnore ti poto bũhusehei dujirirore, yehseri suhtiro sãarirore ñua, sũaa wahaha tina. ⁶ Ti ã cũachũ ñũno, tiro sehe õ sehe niha tí numiare:



—Yũhũre ñũ cœaena t̃jiga. Jesu Nazare macariro, crusapũ ti cjã puha wajãriro cjirore mũsa macana nimana. Wiho mejeta tiro sehe masa wijaa tuhsũhre. Őre mariahna. Tirore ti duhu payoro cjirore ñũga. ⁷ “Tiro mũsa pano Galileapũ wahayuhto jiyuhti. Tói to niriro seheta mũsa tirore ñũhtina jiyuhti”, ni yahuna wahaga to buheinare, Pedro cũhũre —ni yahu dutiha wahmũno tí numiare.

⁸ To ã nichũ tũhoa tina cui, tetere, masa copa cahai jirina mũrocaa wahaha. Æ cuia painare yahueraha.

Jesu María Magdalenare bajuaha

(Jn 20.11-18)

⁹ [Æ yoa Jesu sehe domingo ñamicunucã to masa wijaari baharo, María Magdalenare to siete watĩa to cohãnohricorore tiro bajua mũhtaha. ¹⁰ Jesu mehne macaina cjiri sehe to yariachũ ñũa, tuaro cahya, tiia niha. Æ ti tiuro watoi, María Magdalena sehe Jesure to ñũrire tinare yahuro sũmahã.

¹¹ “Jesu catihre. Ñũhi yũhũ”, ni yahumaha ticoro. To ã ni yahupachũta, tina sehe ticorore ne tũho duaeraha.

Jesu to buheinare bajuaha

(Lc 24.13-35)

¹² Baharo pũaro tina mehne macaina masa marienopũ ti tinichũ Jesu soro bajuriro tina cũhũre bajuaha tjoa. ¹³ To ã bajuachũ ñũa tina tjua waha, paina Jesu yainare tíre yahuha. Ti ã ni yahupachũta tina cũhũre tũho duaeraha.

Jesu to yare buhe dutiro warocaha to buheinare

(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapũ ti chũ dujiro wato, tinare bajuaha tjoa Jesu. Tirore ñũrinare ti yahuchũ ti tũho duaerari buhiri, tirore ti noano wacũ tuaerari buhirere masino, tiro tuhtiha tinare. ¹⁵ Æ tuhti tuhsũ, tinare õ sehe niha:

—Ahri yahpa jipihtiropũre ahri yũ ya quiti noaa buheare jipihtina ahri dacho macainare noano yahu site pahũõna wahaga. ¹⁶ Yũhũre wacũ tuainare ti bautisarinare pichacapũ wahaborinare yũhdorohca Cohamacũ. Tuhsũ, yũhũre wacũ tuaeraina Cohamacũ to buhiri dahrehtina pichacapũ wahahtina jiahca. ¹⁷ Æ jia yũhũre wacũ tuaina yũ tuaa mehne õ sehe yoahca: Yũ tuaa mehne, yũ wama mehne watĩare cohã



wioahca. Tuhsu, wahmaa duserire durucuahca. **18** ã yoa agãare ti ñahachu, jipihtia ñima dohse jia ñimare ti sihnichu, tinare ne purisi. ã yoa dohatiina bui ti wamomacarine ti ña payochu tina noaina wahaahca —ni yahuha Jesu to buheinare.

Jesu manopu mujaa wahaha

(Lc 24.50-53)

19 ã ni yahu tuhsu mari puhtoro Jesu manopu mujaa wahaha. Tõpu sũro Cohamacu poto buhusehei dujiha tiro mehne puhtoro jiro. **20** ã jia tina jipihitõpu noaa buheare Cohamacu masare to yuhduchu yohti buheare buhea wahaha. Ti ã buhechu mari puhtoro tinare yoadohoha. To tuua mehne yoa ño masichu yoaha tinare, masare to ya buheare tuho dutiro. Tõ puro tjira.]